

# *GOMME PEU YA GAGO*

## *E TLA HULA KGORO*

### *YA LENABA LA YONA*

 Ke, bjalo ka mehla, iri goba tše pedi thari. Modiša o emeletše, o rile, “Bjale, ke nyaka go le tsebiša bohole wa go ba thari Mna. Branham.” Gabotse, ke ne dilo tše dintši go dira kafao ke—ke no ba thari gatee mo nakwaneng. Eupsa nakong ye ke be nka se kgone. E be e le ka lebakala boso bjoo bo e dirilego nako ye. Nka e bea go boso gomme ka phologa. Bile go e fetošetša pele, Ngwanešu Rose, feela gannyane nthathana. Moso o mobotse, Kgaetšedi Rose. Le go thakgale go ba le mosong wo fa, Ngwanešu Rose le Kgaetšedi Rose, le Ngwanešu Sharrit, le baena ba bantši, lena batho ba bakaone ntle fao.

<sup>2</sup> Ke kwa gore, yo mongwe o a mpotša, “Ge e ena ka Phoenix, yo mongwe le yo mongwe o dula malaong,” phetogo e bjalo, le a tseba. Le lengwe la matšatši a ke ya go hwetša dijo tša mahala. Ba mpotša o ka ba le dijo tša mahala letšatši le lengwe le le lengwe letšatši ge le sa hlabe. Ke ya go e šetša lehono, go ba dira ba lefe bakeng sa seo.

<sup>3</sup> Ke be ke bolela bosegong bja go feta, ntle go kereke tsoko. Kgonthe ga ke elelwle leina la yona. Gomme kafao re bile le nako ya go kgahliša, bosegong bja go feta, ntle ka tirelong. Gomme godimo ka ga Ngwanešu Outlaw, le godimo ka Tempe, gomme re no ba le nako ye kaone ka go kopanelo ye. Gomme ke letetše go kopana le bohole banesu badiredi ba ka khonferenseng, kafao re tla ba le nako mohuta wa go iketla tikologong, Ngwanešu Rose, le go boledišana seng. Gomme ke seo ke se tlelagoo, ke go ba le kopanelo. Gomme re bile le go . . . lebeleleng peakanyo ye rena le go hwetša mafelo a mantši bjalo. Eupsa ke naganne wo monyetla wa makgethe, gobane ke swanetše go—go kopana le ba go fapano, go tla go ba bona le go feta.

<sup>4</sup> Dinako tše dingwe go rereng, modiredi yo mongwe le yo mongwe o kwešišetšwathoko, ka tsela e tee goba ye nngwe. Makga a mantši, batho ba tše se sengwe seo o se bolelagoo gomme ba no mokgwa wa go . . . Go sekamela gannyane nthathana go bona, kafao ba tla e bolela ka tsela yeo. Gomme wa go latela o a e hwetša, e sekamile gannyane nthathana kudu. Selo sa pele o a tseba, e thwi e kgopamile.

<sup>5</sup> Kafao—kafao rena, makga a mantši, go rereng, ke mohuta wa go kgeregela dikerekemaina le mekgatlo le dilo. Nako ye

nngwe, batho ba re gona, “Ngwanešu Branham o kgahlanong le mokgatlo.” Yeo ke phošo. Ga ke kgahlanong le mokgatlo. Eupša go bjalo makga a mantši gore batho ba no itshama ka mokgatlo woo, le a bona, le go beeng mahutšo a bona ohle godimo ga woo sebakeng sa godimo ga Kriste.

<sup>6</sup> Ba nyaka go bona ke maloko a makae ba ka kgonago go a tliša go mokgatlo woo. Bjale, seo se kaone kudu. Ke—ke... Go lokile. Ke nagana gore mokgatlo wo mongwe le wo mongwe o swanetše go hwetša moleloko yo mongwe le yo mongwe o ka kgonago go mo hwetša. Ke mo go kaone kudu. Eupša ge le etla go tšeeng basesokologe le go beeng bontši go seo go feta le dira godimo ga kgatelelo ya Moya wo Mokgethwa, boka Ngwanešu Rose a be a bolela fa nakwana ya go feta, le dilo, gona le hwetša—le hwetša batho ba nagana, “Re ba *wo*, gomme re *ba wola*.” Golebjalo, bohole re ba Modimo. Le a bona?

<sup>7</sup> Bjale, ge eba ke bone monna a theogela nokeng ka sekepe. Gomme ke dula hleng le noka ka Indiana, Noka ya Ohio, gomme ke thwi hleng le diphororo. Ke lefelo le lešoro kudu, tšona diphororo, gobane e tla go šilaganya gonabjale. Ge o ka tsoge wa ya ka godimo ga diphororo tšela, ga go sekepe se ka kgonago go di sesa, gobane ke e bjalo, e ka ba motheoga wa thwi masomenne goba masometlhano, gomme morago mofehlo o mogolo o tla godimo kua botlase, ye e bethago thwi go leswika, leswikabolao fale. Gomme ke a thanka di—di—di dikgapetla, dikgapetla tše tšhweu, di kunyuga ka tlase ga diphororo ka bogodimo bja kgato tše masomenne, le a bona, ge e betha fase, e fofela godimo gape. Gomme gona e no ya thwi e phetlagana ka mokgwa woo, gomme eya tlase ka go sekgyonyo se segolo sa lebelo leo e ka bago botebo bja dikgato tše masometshela goba masomešupa. Gomme ka fale go ne sedibapherehlwa seo se e hwedinyago ka mokgwa *wo*, gomme se a e ntšha le go ya tlase ka tšhanele. Go no se be le tsela ya go tsoge wa phonyokga, le a bona.

<sup>8</sup> Monna o ile fa nako ye nngwe ya go feta a apere seaparo sa polokego. Ba bone feela selo ge a kotimela, ka mokgwa *woo*. [Ngwanešu Branham o thwantšha monwana wa gagwe—Mor.] Ebile le seaparo sela sa polokego, lephoto lela le maatla le nno mo tšea thwi ka tlase. Gomme ga sa nke ba tsoge ba mo hwetša. Ga se go ke gwa tsebjä go direga eng ka yena. O lekeletše godimo ga maswika goba dintlhana tlase ka fale, mohlomongwe maele goba e mebedi, ka mokgwa *woo*, gomme ga go tsela ya go phologa.

<sup>9</sup> Gomme ge eba ke bone yo mongwe a theogela nokeng ka sekepe se sennyane sa kgale, a dutše fale a bala, a eya pele, gomme ke ya go mo goeletša, “Fologa sekepe seo. Sekepe seo se ka se kgone go tshela maphotho ale.” Bjale, ga se ke ne e ka ba eng kgahlanong le monna yola, le ge nka swanelo go mo omanya le go bolela ka thata go yena. Ga se ke ne e ka ba eng kgahlanong le monna. Ke rata monna, eupša ke a tseba o ya go šilagana. Ke ka lebaka leo ke mo goeletšago. Gobane ga a... Ke ka gobane ke

a mo rata, ke—ke lebaka ke mo goeletšago. Ge eba ke sa kgathale, ke tla re, “Gabotse, kgonene,” go ya pele, le a bona, ge eba ke sa mo kgathalele.

<sup>10</sup> Eupša lebaka ke bolelago dilo tšela ke ka gobane ke fišegelela Kereke. Ke—ke fišagalela Kereke ya Modimo. Gomme ke—ke hloya go bona E no ba go nagana ka mokgatlo. Gomme ke tseba tshekamelo yeo, gore yeo ke tsela yeo kereke ye nngwe le ye nngwe e šwahlamaneng, thwi ka mokgwa woo, thwi go theoga tshekamelo yela ya mokgatlo.

<sup>11</sup> Nno naganang ka tsošeletšo mo nakong ya Malutheran, lebelelang moo e ilego. Ka pela ge e tsoge e betha seo, ga se nke ya ke ya tsoga gape. Malutheran ga se a ke a bowa morago. Lebelelang Mamethodist a Wesley, ga se nke a ke a bowa morago. Lebelelang Pilgrim Holiness, Manazarene, bohole ka moka ga bona, Mabaptist, Presbyterian. Ba ne tsošeletšo, gomme gona monna tsoko o a tsoga ka maatla a Modimo go yena, o thoma mosepelo ka Moya. Morago ka pela ge monna yola a sepetše, gona ba hloma mokgatlo go tšwa go seo.

<sup>12</sup> Boka Moody Bible Institute, lefelo le lekaone, eupša le ka se tsoge la ba boka Moody a bile le yona. Le a bona? Gomme dilo tše Moody a di emetšeego, ba dimilione tša dimaele go tloga go yona, kafao ke lena bao. Gomme bjale yohle ke bohlale, mola Moody a bile le yona ka Moya, le a bona. Gomme kafao le—le hwetša seo, ka go dilo tše.

<sup>13</sup> Bjale, ge la pele ke thomiša, gomme ke etla fa Phoenix, mengwaga ya go feta, ka go mosepelo wa Pentecostal, ke bile le monyetla go ithomela mokgatlo nnamong. Baena ba Latter-Rain ba tlide go nna, ba rile, “Ye ke yona. A re thomiše. Gobaneng, re tla ba—ba bogolwane go feta bohole ba bona.”

<sup>14</sup> Ke rile, “Kgaogelo! Yeo ga se yona. Yeo ga se—yeo ga se selo, baena. Le—le dimilione tša dimaele go tloga—tloga tseleng. Modimo a ka se tsoge a e šegofatša.” Balang histori ya lena. Balang Beibe. Go ka se tsoge gwa ba le mokgatlo o tšwago go yona, woo o tšwago go ye. Yeo ke nnete. Ye e tla kgatlofala le go ya ka go... E ka seemong sa Laodikia bjale. Eupša ke tla go botša ngwanešu, ga go sa na mekgatlo e šegofaditšwego ke Modimo e tla tsogago. Go ka se be le selo ka ga ye. Re mo go Tleng ga Morena. Le a bona? Gomme Modimo o tla tše mašalela go tšwa go mosepelo wo mogolo wo wa mokgobokano, woo o kgatlampanganago, bakeng sa Monyalwa, eupša go ka se tsoge go bile selo go kgatlofala, semoyeng, gapegape. Le a bona? Go fedile.

<sup>15</sup> Ge ke bona baena ba ka, baena ba bohlokwa, ba sekamela ka tsela yeo, gona ke no e tšhollela ka gare ka tšohle ke nago. Gomme dinako tše dingwe banešu ba re, “Gabotse, Ngwanešu Branham o kgahlanong le rena. Rena re...” Yeo ke phošo. Nna! Seo ke—seo ke selo sa kgolekgole le monagano wa ka, ke go ba

kgahlanong le e ka ba mang. Ke—ke go lena. Ke ngwanabolena, le a bona, gomme ke leka bokaonekaone bja ka. Gomme ke ka lebaka leo ga se ke tsoge ka tšoena mokgatlo e ka ba ofe o rilego, kagona ke kgonne go ema makgatheng gomme ke re, “Ngwanešu, o se ke. Yeo ga se tsela.”

<sup>16</sup> Ba re, “Re ba Assemblies.” Seo ke se sekaone. Assemblies of God e bile tšhegofatšo e botse go nna. “Re Foursquare.” Gabotse, lebelelang ke tšhegofatšo efe ba bilego go nna. “Ke rena Jesus Name.” Lebelelang ke tšhegofatšo efe ba bilego go nna. “Ke rena bona, ba bangwe.” E ka ba eng, bohole ke ditšhegofatšo. Bona ke—bona ke batho ba Modimo. Le a bona? Gomme batho ba Modimo ba ka go yohle ya yona.

<sup>17</sup> Gomme ge re fihla go ikgolaganyeng renabeng, re re, “Re no ba bokaone gannyane fa go phala Church of God,” le a bona, goba, “Re bokaone gannyane go phala Foursquare goba Jesus’ Name,” goba se sengwe boka seo. Ge re no ba . . . Re ka no fapano gannyane nthathana ka dikgopolo. Bohle re ile go ja matena lehono. Bohle re tšea phae ya go fapano, eupša re ja phae feela go swana, le a bona. Yeo ke kgopolo. Kafao kgopolo ya yona, ke, ge—ge re ka kgona go no bona kopanelo ya rena. Kafao se yeng go sekamela go mokgatlo. Sekamelang go ya Khalibari. Le ba go hwa go dilo tše dingwe tše. Le a bona? Gomme ke a dumela . . .

<sup>18</sup> Anke ke bolele se ge se sa le monaganong wa ka. Ke a dumela gore mokgatlo o bapetše karolo ye botse. Ka gore, go ne makga a mantši, baena, gampe bjalo ka ge re hloya go nagana ka yona, go bile dilo di tsupologago magareng ga rena, le dilo boka tše, tše e bilego bohlanogi. Gomme batho ba tla no tše mabohlanogi ale gomme ba phatlalatša batho ka tsela efe. Gomme sehlopha sa banesu se tla mmogo seo se . . . seo ke . . . Se ke se rago se ya ntle boka ba dirile matšatsing a peleng le mehuta yohle ya selo. Gomme—gomme re sa ne yona golebjalo lehono, le a bona, e sa sepela. Gomme batho bao ba ka kgonago go itliša mmogo bonabeng . . .

<sup>19</sup> Seswantšo sa kgonthe sa Pentecost, ka kgopolo ya ka, ge go etla go mokgatlo, ke ke—ke kereke, Ngwanešu Pethrus, kereke ya Filadelifia ka Sweden. Bjale, ga ba kgathale ke mohuta ofe wa thuto o nago le yona, ge feela e le ya Lengwalo. Ge eba o nyaka go e bona ka tsela *ye*, tsela *yela*, goba e ka ba eng, ge feela o ne kopanelo le go phela bophelo bja kgonthe bjo bkogethwa. Ke lena bao. Yeo e lokile. Gomme ge eba o nyaka go bolela gore Jesu o tla ka pere ye tšhweu, gomme yo mongwe o rile O tla ka lerus le lešweu, Mo lebelele ka tsela yeo. Nno ya pele, ge feela o phela bophelo bjo bobotse bja go hlweka le go ba le kopanelo. Yeo ke tsela. Yeo ke yona.

<sup>20</sup> Leo, gabotse, bjale, leo ke lebaka, bagwera, leo ke lego le sehlopha se sa Banna ba Kgwebo. Ka gobane, ke a tseba go ne bontši bja dilo ka fale di swanetšego go otlollwa. Eupša ke—ke ye

kaonekaone yeo re nago yona. Ya. Yeo ke nnene. Ya. Go ne bontši bja dilo tseo ke tla swanelago go di bolela. Gomme—gomme lena, baena fa ke tla le botša, ga ke tsoge ka fošana matswele le bona. Ke fa bjalo ka mohlanka wa Modimo, go bolela Therešo. Gomme ke swanetše go e arabelela. Yeo ke nnene. Ngwanešu Rose o rile, “Ke ka baka leo re go ratago.” Gabotse, seo—seo, gabotse, ga re kgone . . . Rena, re swanetše go dula le Lentšu le. Le a bona?

<sup>21</sup> Feela nako ye nngwe ya go feta, ke a nagana, o be o le ka go . . . Ke be ke le mošwamawatle, goba godimo ka sehlakahlahkeng ngwaga wa go feta, gomme ba bile le kopano, gomme ba bangwe ba baena ba be ba ikgantšha ka kopanong ye kgolo ye moo ba bilego le borakgwebo, go dikologa naga. Gomme ba be ba bolela ka ga, “Ke bile le lefelo le lennyane tlase mo khoneng. Kgwebo ya ka e be e lokile. Gomme ke bile le nako ye e šiišago. Gomme selo sa pele le a tseba, ke—ke tla ka gare go amogela Kriste, gomme—gomme, oo, ke ne se sengwe le se sengwe bjale.” Bjale, yeo e lokile. Re leboga seo. Yeo e lokile, eupša katlego ka mehla ga e bolele Kriste. Yeo, le a bona, gomme re swanetše go šetša seo. Bjale, yeo e lokile. Le a bona? Ke . . . Ga go selo kgahlanong le seo.

<sup>22</sup> Eupša ke bile mokgwa wa go šala baena ka morago bošegong bjoo. Re ile tlase motheleng moo se—se sehlopha sa rena re bego re dula, le Ngwanešu Shakarian le bohole ba rena. Gomme ke rile, “Gabotse,” ke rile, “baena, ke ya go le botša.” Ke rile, “Ke—ke nagana lena banešu le sehlopha se sekaoonekaone sa banna nkilego ka kopana le sona, bophelong bja ka. Eupša,” Ke rile, “selo sa yona ke,” ke rile . . .

<sup>23</sup> Ga ke wa mokgatlo e ka ba ofe, eupša ke wa kopanelo yela ka seo. Ke swere karata ya kopanelo le bona, karata e nnoši ke e swarago, gobane e emela mekgatlo yohle, le a bona. Gomme ke seo ke se ratago. Seo ke se ke se katanelago.

<sup>24</sup> “Eupša,” ke rile, “selo se se ntshwenyago, gore lena baena pele ga banna bale tlase fale, ba lego makga a dikete go atlega kudu go feta le le, gomme morago le leka go ba botša gore Kriste ke katlego. Le se tsoge la leka go ba rekišetsa seo.” Le a bona?

<sup>25</sup> Le se tsoge la leka go bapela le lefase. Anke lefase le tle godimo mafelong a rena. Le se yeng mafelong a bona. Le a bona? Le a bona? Tlogang lefelong la bona, re ka se tsoge ra phadima le bona. Morago ga tšohle, Ebangedi ga e phatsime; e a phadima. Hollywood e a phatsima. Ebangedi e a phadima. Go ne phapano e ntši magareng ga go phadima le go phatsima.

<sup>26</sup> Gomme kafao, bjale, gomme ke rile, “Baena ba peleng ba Pentecostal bao ba bilego le se sengwe, ba lekile go se lahla, gomme ba fepile bahloki, le go ya pele ka mokgwa woo, gomme ba sepetshe ntle le selo, le a bona, go rera Ebangedi, go amana.” Ke rile, “Bjale re leka go ikgantšha ka bokaakang re nago bjona.” Ke rile, “A phapano e lego!”

<sup>27</sup> Gomme ngwanešu yo mongwe yo monnyane yo bohlokwa, morago ga dinakwana di se kae o emeletše, o rile go nna, o rile, “Ngwanešu Branham, bjoo e bile bošaedi bjo bogologolo bjoo batho ba kilego ba bo dira.”

<sup>28</sup> Gomme ke rile, “Bjale, lebelela, ngwanešu, ke be ke sa ukame go batho go rekiša se ba nago sona. Eupša ke no leka go dira ntlha go borakgwebo ba.”

O rile, “Bjoo e bile bošaedi bjo bogologolo, batho.”

<sup>29</sup> Ke rile, “Ba dirile seo ka Moya wo Mokgethwa. Moya wo Mokgethwa o ba boditše go dira seo.” Moya wo Mokgethwa o botša e ka ba mang go dira e ka ba eng, o dira se A go botšago go dira.

<sup>30</sup> Gomme o rile, “Gabotse, e bile bošaedi bjo bobebobe kereke e kilego ya bo dira.”

<sup>31</sup> Ke rile, “Gobaneng, ngwanešu?” Gomme thwi fale pele ga monna yo ke bego ke bolela le yena.

<sup>32</sup> O rile, “Gobane, ka pela ge kgogakgogano e nnyane e etla ka kerekeng fale, go bile le phapano magareng ga Bagerika le—le Bahebereg, le go ya pele,” o rile, “batho bale ga se ba be le lefelo ba ka yago. Ebile ga se ba be le legae ba ka boela go lona.”

Ke rile, “Feeala tlwa thato ya Modimo.”

O rile, “Yeo e ka ba bjang thato ya Modimo?”

<sup>33</sup> Ke rile, “Ba ile mogohle, ba phatlalatša Ebangedi, gobane ga se ba be le lefelo ba ka yago go lona.”

<sup>34</sup> Moya wo Mokgethwa ga o dire bošaedi e ka ba bofe. O no se bo dire. Ke phetho. Gomme ge ke be ke bolela bošegong bja go feta, o no swanelo go swara Modimo, le go swara Lentšu la Gagwe, le go swarelela thwi go lona. Ga go kgathale moo Le go hlahlelago, no fela o Le latela. Le boloke le eya ka mokgwa woo.

<sup>35</sup> Eupša ke ka kgonthe mo—mo mothekgi wa kopanelo ye ya Banna ba Kgwebo. Gomme khonferense ye nngwe le ye nngwe moo ke laleditšwego, ka mehla ke a ya le go bolela, go bolela se sengwe le se sengwe seo ke kgonago. E sego feela go leka go itiriša se sengwe go bolela, seo se tla kgahlago yo mongwe, *Semangmang*. Eupša nako le nako ge ke eya kopanong ya ka, ke leka go bala le go rapela le go ikona, le go re, “Morena Jesu, ke eng—ke eng nkago e bolela yeo e tla thušago batho bale.”

<sup>36</sup> Yo mongwe le yo mongwe o a tseba ga ke moreri. Ga ke seboledi. Ke—ke...E ka ba mang o tseba seo. Ga ke moreri. Molaetša wa ka—wa ka ke go rapelela balwetši, go ya pele ka mokgwa oo. Eupša, ga ke moreri. E ka ba mang o tla tseba seo, go nkwa ke rera. Eupša se ke se bolelago, ke nyaka go bea letswele ka go seo ke tla dira se sengwe.

<sup>37</sup> E sego go re, “A ga se yena se—se seboledi se maatla? A ga a šomiše popopolelo gabotse? A ga a makatše mo phuluphithing?”

Ga ke nyake seo. Nka—nka se kgone go e dira. Modimo ga se a ke a mpiletša seo.

<sup>38</sup> Eupša ke leka go hwetša se sengwe seo se tla go thuša motho, le kereke yeo e be kereke ye kaone, go e thuša go ba batho ba bakaone, go e rapediša.

<sup>39</sup> Bjale, ke be ke le mokgwa wa go bolela, ke a thanka, gobane ke bone batho ba se bakae ba sa kgobokana ka gare, gomme e ena. Ke ka lebaka leo ke bego ke bolela dilo tše. Bjale, kotara ka morago.

<sup>40</sup> Gomme bjale ke nyaka go leboga ngwanešu. Ke tsebile Ngwanešu Fuller lebaka le letelele, ka mehla ke mo ratile, botlase bja pelo ya ka. Gomme re ne dilo tše ntši go swana, Ngwanešu Fuller. Gomme kafao re... Ke bone Ngwanešu Fuller bjale lebaka la mengwaga ye mentši, gomme ke mo tsebile go ba ka kgonthe monna wa Modimo wa mmapale, gomme ke mo ratile. Gomme ke fa mosong wo go kopanela. Ke maswabi kudu gore ke hlailwe ke bošego bja gagwe bjola ge go be go kwalakwaditšwe ka lefelong fa, eupša go bile se sengwe ke sa se kgonago. Ke thakgetše go ba fa mosong wo, go bona kereke ya gagwe, ye botse, ka fao Modimo a ba atlilego le go ba šegofatša. Gomme—gomme se sengwe le se sengwe seo A mo diretšego, ka nnete ke thabela seo. Anke Modimo a tšwelepele go mo šegofatša, le go šegofatša tabarenekele ye, le—le po—po poto ya bahlokomelaphahlo, matikone, le maloko ohle a kereke. Gomme anke le gole le go atlega ka mogaung wa Morena, ke thapelo ya ka ya go kokobela.

<sup>41</sup> Bjale, pele re batamela Lentšu, a re batameleng Mongwadi, pele. A re inamišeng dihlogo tša rena feela nakwana bakeng sa thapelo.

<sup>42</sup> Ge re dutše ka go hlomoga pele ga Bogona bja Modimo, ka dihlogo tša rena le dipelo di inamišitšwe, a go ne kgopelo ka pelong ya gago, gore se sengwe seo o se hlokago, seo o ka nyakago Morena go go fa, seo nka go gopolago ka thapeleng ya ka mosong wo fa ka kerekeng? A o ka no e dira e tsebje ka go phagamiša seatla sa gago? Nno se bee ka monaganong wa gago, se se lego. Morena a fe yo mongwe le yo mongwe wa lena kgopelo ya lena.

<sup>43</sup> Tate Modimo yo mogau le yo mokgethwa, Yo a hlotšego dilo tšohle tše ka Kriste Jesu, go letago la Gagwe, re tla ka Bogeneng bja Gago mosong wo ka tebogo ka pelong ya rena. Gomme boka re otletše go kgabola pula, gomme phefo e tšutla, pula e ena, re a rapela, Tate wa Legodimong, gore O tla tšollella godimo ga rena pula ya Legodimong, pula ya semoya, tsheola le kgogolamoko, mmogo, ka dipelong tša rena lehono.

<sup>44</sup> Re a rapela, Tate, gore O tla šegofatša kereke ye. Re e thabetše kudu, bakeng sa modiša wa yona, bakeng sa phuthego ya yona, bakeng sa... lefelo moo batho ba kgonago go kopana ka tlhaka

godimo ga hlogo ya bona le setulo se sebotse sa boiketlo go se dulela.

<sup>45</sup> Re ya morago ka menaganong ya rena go histori ya Kereke ye ya pele ye, ya pele ye, ya boapostola, Kereke ya katoliki, le go bona ka fao ba dutšego matheledi a maswika goba e ka ba eng yeo ba kgonnego, go kwa Lentšu la Modimo, gomme nako yeo ba khunama lebatong, gomme lona le tonya le maswika le tšhila, gomme fao ba iše diatla tša bona go leba Legodimong gomme ba ipshina ka Bogona bja Moya wo Mokgethwa. Ba fe maikemišetšo a mabjalo ka bophelong bja bona go fihla ba ka sepelela ka legolong la ditau, ebile go se tsoge ba šutha, eupša myemyelo sefahlegong sa bona, go lebeleleng go leba Legodimong, go tsebeng, mo metsotsong e se mekae, ba tla ba ka Bagoneng bja Yena Yo ba mo ratilego.

<sup>46</sup> Oo, tumelo ya botatawešo, e sa phela, le ge go le kgolego, kgaboo goba tšhosha. Mpshafatša ka go rena, O Morena, tumelo e bjalo. Re fe tšhegofatšo ye kgolo ya boapostola ya Moya wo Mokgethwa.

<sup>47</sup> Mongwe le mongwe lehono yoo a bilego le diatla tša bona godimo, O tseba se ba se hlokago, Morena. O tseba se se bego se le ka morago ga seatla sela, ke maikemišetšo le maikaelelo afe ka pelong yela. Wena o nnoši o kgona go fana ka tlhoko ye nngwe le ye nngwe, Morena. Gomme ke a ba rapelela, ke sa tsebe tlhoko ya bona, eupša ke neela thapelo ya ka bjalo ka boipobolo bakeng sa bona. Bjalo ka mohlanka wa Gago, ke rapela ka tlhokofalo bakeng sa mongwe le mongwe, gore, e ka ba eng ba e kgopetšego, anke ba amogele. Ba šegofatš, Tate.

<sup>48</sup> Gomme bjale ge re bala Lentšu la Gagwe, le go ruta klase ye ya sekolo sa Lamorena, boka go bile, mosong wo, ke rapela gore O tla tšea Mantšu a le go kwakwapolotša gosedumele go gongwe le go gongwe go bona, Morena; gore, maatla e ka ba afe a Sathane a tla lekago go khurumetša, ao a tla lekago go E thibela go goleng. Anke e ye ka pelong ye nngwe le ye nngwe, gomme fao e be mehlare ya dikenywa ya toko, Morena. Tumelo, go hlagišeng seo se O se beetšego Lentšu la Gago go se dira, o re, “Le ka se bowe go Nna le le lefeela, eupša Le tla phethagatša seo Le se reretšwego.”

<sup>49</sup> Bjale, Morena, hlwekiša mohlanka wa Gago. Lentšu la Gago šetše le hlwekišitšwe. Gomme, mmogo, anke re kgone go fepa mohlapo wo Moya wo Mokgethwa o re filego bo-bo borutiši. Re kgopela ka Leina la Jesu. Amene.

<sup>50</sup> Bjale, go lena le ratago go bala dinako tše dingwe, mmogo le mo-mo Molaetša, ke tla . . . Ke a le kgopela, ge le ka phetla ka Pukung. Gomme ke ne feela le Molaetša wo monnyane wa sekolo sa Lamorena, boka, go batho mosong wo.

<sup>51</sup> A le kgona go nkwa gabotse, gohlegohle, gohle lefelong? Ke šuthišeditše segodišantšu se godimo. Ke no ba makgwakgwa

gannyane. Nna, ka pela ge ke fihlile tlase fa, ke swerwe ke mpshikela. Diabolo o lekile bokaonekaone bja gagwe go nthibela go ba fa. Ga ke tsebe. Ke dumela gore Modimo ka kgontho o tla tshollela ntle se sengwe se segolo godimo ga khonferense ye nako ye, gobane Sathane o dirile se sengwe le se sengwe a kgonnego go nthibela go yona.

<sup>52</sup> Eupša bjale re ya go bala go tšwa go Genesi, tema ya 22. Gomme lena bao le tla phetlagoo ka Beibeleng ya lena, a re baleng seripa sa Yona, mmogo. Genesi 22, a re thomeng ka temana ya 9.

*Gomme ba tla go lefelo leo Modimo a mmoditšego ka lona; gomme Abraham o agile aletara fao, gomme a bea dikgong ka lenaneo, gomme a tlema Isaka morwa wa gagwe, gomme a mmea mo aletareng godimo ga dikgong.*

*Gomme Abraham o otlolotše seatla sa gagwe, gomme o tšere thipa go bolaya morwa wa gagwe.*

*Gomme morongwa wa MORENA o mmiditše go tšwa legodimong, gomme a re, Abraham, Abraham: gomme o rile, Ke nna yo.*

*Gomme o rile, Se bee seatla sa gago godimo ga mohlankana, ga ešita o se mo dire selo: gobane Ke a tseba gore o boifa Modimo, go boneng gore ga se o gane ka morwa wa gago, morwa wa gago a nnoši go nna.*

*Gomme Abraham o phagamišitše mahlo a gagwe, gomme o lebeletše, gomme o bone ka morago ga gagwe kgapa e kgokilwe ka se sekgweng ka dinaka tša yona, goba ka dinaka tša yona, a ke re: gomme Abraham o ile gomme o tšere kgapa, gomme o e neetše godimo... godimo bakeng sa sehlabelofiswa bakeng sa morwa wa gagwe.*

*Gomme Abraham a reela leina la lefelo Jehova-jireh: bjalo ka ge go bolelwa go fihla letšatši le, Mo thabeng ya MORENA e tla bonwa.*

*Gomme morongwa wa MORENA o biditše Abraham go tšwa legodimong lekga la bobedi,*

*Gomme a re, Ke enne ka nnamong, go rialo MORENA, ... gobane o dirile selo se, gomme wa se gane ka morwa wa gago, morwa wa gago a nnoši:*

*Gore go šegofatšeng Ke tla go šegofatša, gomme go atišeng Ke tla atiša peu ya gago boka dinaledi tša... legodimong, gomme boka lešabašaba... le le lego lebopong la lewatle; gomme peu ya gago e tla hula dikgoro tša lenaba la yona.*

<sup>53</sup> Gomme ke nyaka go tšea sekafoko sa mafelelo fale bakeng sa sehlogo: *Gomme Peu Ya Gago E Tla Hula Kgoro Ya Lenaba La Yona.* Yeo ke tshe—tshe tshepišo ya go kgahliša.

<sup>54</sup> Bjale, bohle re tlwaelane le kanegelo ye, mohlomongwe le e badile gantši, le gantši, nako le nako, ya Abraham, le ka fao Modimo a mmiditšego go tšwa nageng ya gabon, le ka fao a bego a no ba monna wa mehleng, a se selo go ikgetha. Eupša Modimo o mmiditše le go mo direla tshepišo.

<sup>55</sup> Bjale, ke nyaka le hlokomele gore tshepišo yeo Modimo a e diretšego Abraham e be e sa no ba go Abraham, eupša e be e le go peu ya gagwe ka morago ga gagwe. Bjale, batho ba bantši ba re, “Oo, ge nkabe ke bile boka Abraham, ge nkabe ke bile moo Modimo a boletšego le nna le—le go mpha tiišetšo boka A dirile Abraham, gona ke tla ba. Ka—ka kgonthé ke tla ba le tumelo, Ngwanešu Branham, ge feela ke bile, ge Modimo a boletše le nna boka A dirile Abraham.” Eupša o ne tshepišo ya go swana yeo Abraham a bilego, ke gore, ge eba o le Peu ya Abraham.

<sup>56</sup> Gona o re, “Eupša, Ngwanešu Branham, ke nna Montle. Nka se kgone go ba le peu ya Abraham.”

<sup>57</sup> Peu ya Abraham e be e se peu ya tlhago. E be e le Peu ya semoya, gobane lebollo la yeo e be e se selo. Tshepišo, ebile O mo fa pele ga lebollo. Eupša e filwe yena pele ga lebollo, gomme go be go se ka gobane o be a bolotše le ka go kgwerano le Modimo ka tsela yeo. Ke ka gobane Abraham o dumetše Modimo.

<sup>58</sup> Gomme Lengwalo le boletše, gore, “Ge re hwile ka go Kriste, re ba Peu ya Abraham.” Paulo o bolela ka yona, “Gomme yoo e lego Mojuda ga se Mojuda ka ntle, eupša Mojuda ka gare.” Kagona, ge o tswetšwe ka Moya wa Modimo, “o Peu ya Abraham, gomme o mojabohwa le Abraham go ya ka tshepišo.” Le a bona? Kagona tshepišo ye nngwe le ye nngwe yeo Modimo a filego Abraham ke ya gago, gobane semoyeng o Peu ya Abraham.

<sup>59</sup> Gomme o bontši Mojuda go feta o ka ba ge o be o tswetšwe mading a Mojuda, gomme gona—gomme gona go ba Mojuda wa orthodox ka kerekeng yeo, gomme moganetši wa Moya wo Mokgethwa wo bohlokwa wo le Morena Jesu Kriste. Le a bona? O bontši Mojuda, gobane o Mojuda yoo a tswetšwego ka tshepišo go tšwa Legodimong, ye Modimo a e filego Abraham, gomme Abraham o e amogetše ka tumelo, gomme ke seo se mo dirilego se a bego a le. Morago ga tšohle, Mojuda e no ba karogano, le go tswakanya, Mohebere, le go ya pele ka mokgwa woo.

<sup>60</sup> Bjale, eupša ge o ikarogantše wenamong go dilo tša lefase, o tsheletše ka kua ga mothalo wa go aroganya, gomme o diiletše nageng e šele, naga boka o bego o se ka go yona, mo mathomong, le batho bao o sa nkago wa amana le bona mo mathomong, gona o Mojuda wa semoya. Gobane, ka tsela ya go swana yeo Abraham, ka tumelo, a tlogetšego naga ya gabon, a tlogetšego batho ba gabon, a ile ka nageng ye šele le batho ba šele. O tlogetše batho ba geno, o tlogetše lefase morago, o tlogetše badirišane morago, o tsheletše ka kua, ka Madi a Jesu Kriste, gomme le badiiledi, le nyaka Toropokgolo Ye Moagi le Modiro wa yona e lego Modimo,

boka Abraham a bile. Baeti, mmogo le Yena, le dula ka ditenteng, dikereke, badudimmogo ba Mmušo wa Legodimo, bajabohwa ba dilo tšohle ka Jesu Kriste. Le a bona? Re tsheletše ka kua, re aragogantšwe.

<sup>61</sup> Bjale, Abraham, tshepišo e dirilwe go Abraham le Peu ya gagwe ka morago ga gagwe. Bjale, Modimo o fa tshepišo ye go Abraham, ya Peu ya gagwe, e tla hula kgoro ya lenaba la gagwe morago ga ge A lekile Abraham, a lekile Abraham. Bjale, morago ga ge go leka go etla, gona . . .

<sup>62</sup> Abraham o be a šetše a sokologile, re tla e bitša, go tšwa boheteneng ka go Modimo. Gomme morago Modimo o mo fa, bjalo ka leswao la Moya wo Mokgethwa, lebollo. Morago, ka morago ga lebollo, gona go tla nako ya teko.

<sup>63</sup> Sekai se sebotse kudu fa sa Kereke, gore, morago ga ge re phološitšwe, gona re fiwa setswalelo sa lebollo le le tshepišitšwego, e sego la nama, eupša la Moya. Gomme Moya wo Mokgethwa ke lebollo la rena. Ke thipa e bogale ya Modimo. E aroganyo le go ripa nama ye e feteletšego, ya lefase, go tloga go rena. Lentšu la Modimo, le bogale go feta tšoša ya magalemabedi! Kafao, le a bona, etla morago thwi gape. Lentšu la Modimo ke selo seo Moya wo Mokgethwa o se dirišago; e sego dithutotumelo, e sego dikerekemaina. Eupša Lentšu ke se se re aroganyago go dilo tša lefase. Le ripa dikgopolo le dilo tša rena, gomme le re gafela ka go felela go Modimo.

<sup>64</sup> Jesu o rile, “Ge le dula ka go Nna, gomme Lentšu la Ka ka go lena.” Ke lena bao. Gona, ga se lentšu la gago. Ke Lentšu la Gagwe. Gona, le a bona, “Ge le dula ka go Nna, gomme Lentšu la Ka ka go lena, le ka kgopela se le se ratago.” Uh-huh. Le a bona? Ke eng, ga o bolele lentšu la gago mong. O bolela Lentšu la Gagwe.

<sup>65</sup> Kafao gona Moya wo Mokgethwa ke Ona woo o tšeago Lentšu la Modimo le go re aroganyo go tloga go dilo tša lefase, le a bona, lebollo, go ripa. Morago o ya nakong ya teko.

<sup>66</sup> Bjale, Abraham, morago ga ge a biditšwe, nageng ya Bakaladea, toropokgolo ya Uri, o ba moeti, modiiledi. Gomme morago Modimo o mmiditše, morago ga ge a netefaditšwe gore o be a eya go ya pele le go tsea Modimo Lentšung la Gagwe. Gona, Modimo o dirile eng nako yeo, a mo fa leswao, gore O mo amogetše, gomme O mmoloditše. Gomme o boloditše Ismaele le lapa la gagwe lohle.

<sup>67</sup> Gomme bjale le a bona, ge—ge o biditšwe, sa pele go ya go kgabola moleko, go bona ge eba ka kgonthe o ya go ya pele. Gomme morago Modimo o go fa Moya wo Mokgethwa, e lego leswao gore O amogetše tumelo ya gago yeo o ipolelago go ba le yona ka go Yena. Le a ntatela bjale? [Phuthego e re, “Amene.”—Mor.] O ya go e amogela.

<sup>68</sup> Bjale, ke be ke bolela le... Go ka no ba baena ba bangwe ba bohlokwa ba Baptist ba dutše fa. Gomme yo mongwe le yo mongwe o a tseba gore ke tšwa kerekeng ya Baptist. Ke be ke bolelala le ngwanešu wa Baptist. Gomme o rile go nna, "Ngwanešu Branham?" O be a le Ngaka ya tša Bokgethwa, monna yo mokaone, Mokriste wa kgontha. O rile, "Eupša, Ngwanešu Branham, o tsea kae moo kolobetšo ya Moya wo Mokgethwa go beng e ka ba eng go fapana ge e se tumelo ka go Jesu Kriste?"

Ke rile, "Go a fapana, ngwanešu yo bohlokwa."

<sup>69</sup> O rile, "A ga o nagane gore ge o amogela Kriste, o amogela Moya wo Mokgethwa?"

<sup>70</sup> Ke rile, "O nepile. Eupša," ke rile, "o a bona, o no ba o ipolela gore o amogetše Kriste, go fihlela A e lemoga."

<sup>71</sup> O rile, "Ngwanešu Branham, Abraham o dumetše Modimo, gomme go baletšwe yena bakeng sa toko."

<sup>72</sup> Ke rile, "Ee. Eupša Modimo o mo file leswao, gore O amogetše tumelo ya gagwe, ge A mo fa setswalelo sa lebollo, gore O be a lemogile tumelo ya gagwe." Amene.

<sup>73</sup> Bjale, ge re amogela Kriste bjalo ka Mophološi wa rena, gona, ge re hlokofetše ka go seo, gona Modimo o re fa leswao, gore O amogetše tumelo ya rena ka go Kriste, ka go re fa leswao la lebollo, e lego Moya wo Mokgethwa. Leo ke leswao la lebollo. "Se nyamišeng Moya wo Mokgethwa wa Modimo woo le swailwego ka ona go fihla Letšatši la Topollo ya lena." E sego go fihla kopanong ya go latela; eupša go fihla Letšatši la Topollo ya lena. Yeo ke nnete, Baefeso 4:30. Bjale, ke ka mokgwa woo re amogelago Moya wo Mokgethwa.

<sup>74</sup> Bjale, ge o ka re, "Oo, ke nna modumedi," gomme Modimo a se nke a go fa Moya wo Mokgethwa golebjalo, ga se A tsoge a e lemoga. O no ba o ipolela gore o a dumela. Eupša ge pelaelo yohle... Ga ke re ga o modumedi bjale. Ka karolong e rilego, o modumedi.

<sup>75</sup> Eupša ge Modimo a hweditše kgaogelo, o hweditše kgaogelo ya Gagwe, a ke re, gomme O go lemoga go ba ngwana wa Gagwe, gomme O tseba pelo ya gago, gomme O bona tlhokofalo ya gago, O tseba dilo tšohle di ripilwe go tloga go wena. Gona O go tswalelala ka Mmušong wa Modimo, ka Moya wo Mokgethwa, go netefalatša lefase gore O amogetše tumelo efe o ipolelago go ba le yona ka go Yena. Le a e hwetša bjale? [Phuthego e re, "Amene."—Mor.]

<sup>76</sup> Bjale, ka bjako morago ga fao, go tla moleko. "Morwa yo mongwe le yo mongwe a tlago go Modimo sa pele o swanetše go kgalwa, go lekwa."

<sup>77</sup> Jesu, ka pela ge A se no amogela bottlalo bja Moya, mo nokeng, ge Johane a Mo kolobeditše, ka bjako diabolo o Mo

išitše lešokeng, go ya go kgabola nako ya moleko. Eupša ge A tšere Lentšu la Modimo gomme a fentše diabolo, “Go ngwadilwe. Go ngwadilwe,” O boile morago gona a le komana bakeng sa bodiredi bja Gagwe.

<sup>78</sup> Gomme ke ka tsela yeo Modimo a dirilego Abraham. Bjale, Modimo, morago ga go mmitša go tšwa nageng ya gabon, gomme a ikarogantše yenamong go tloga nageng ya gabon, batho ba gabon, gomme gona Modimo o mo fa leswao la lebollo, morago a mo fa morwa. Morago o ile tlase go moleko wa makgaolakgang, thwi tlase go nako a bego a swanetše go neela morwa wa gagwe Isaka bakeng sa sehlabelo. Gomme O rile, “Go boneng gore ga se o hufengele morwa wa gago a nnoši, Ke a tseba gore o a Nthata.” O mo fa moleko wola.

<sup>79</sup> Gona ka bjako morago ga fao, ntwa e be e fentše gona, O rile, “Gomme Peu ya gago e tla hula kgoro ya lenaba la gagwe.” Amene. Ke rata seo. “E tla hula kgoro ya lenaba la gagwe.” Re tla fihla go ntlha yeo ya mafelelo feela nakwaneng e se kae, Morena a rata. Bjale O hweditše yo, Abraham a botega. Morago ga ge A hweditše Abraham go botega, gona O mo file tshepišo ya go hula kgoro ya lenaba.

<sup>80</sup> Bjale fale, nako ye ntši, moo bontši bja rena Mapentecostal re dirilego bošaedi, gomme ra nagana, “Gabotse, Moya wo Mokgethwa o tšholletše go rena. Letago go Modimo! Ke sohle ke swanetše go ba le sona.” Aowa, mohlomphegi. O no ba nako yeo o thomiša. Wena, ga se nako yeo. Ke moleko wa gago le teko ya gago.

<sup>81</sup> Feel a boka re hwetše ka go—ka go, godimo ka go te—te—te Testamente ya Kgale; go leka, moleko, gomme morago go beeng morwa. Peo, go bea morwa morago ga ge a šetše a le morwa, a tswaletše ka lapeng. Ke morwa, morago o tla lekwa le go lekwa, le go godišwa ke barutiši, le go bona ka fao a tšwelelag. Gomme morago o bewa madulong go lekana, go nyakile, le tatagwe.

<sup>82</sup> Bjale seo ke se se lego lehono. Re bile le mengwaga ye masomenne ya teko ya Pentecost, goba bontši, le a bona, go lekeng kereke, go bona ge eba ba ya go ema, goba aowa. Go boneng se le... Gomme, le a bona, fao ke moo ke e hwetšago gape. Sebakeng sa go swarelela go sefapano le go Lentšu, le go ya pele, re ba go fešenwa ka morago ga lefase, go rothela ka *tsela ye*, goba go rothela ka *tsela ye*, goba go phathena ka morago ga *se*.

<sup>83</sup> Boka ka mehla ke boletše ka maatla kudu kgahlanong le batho ka go motlwa wo wa sebjalebjale wa lehono, basadi ba kota moriri wa bona, le—le banna ba eya pele le se sengwe le se sengwe, le go no apara diaparo tša bohlaswa le dilo. Ke hwetše tsholo ye ntši godimo ga seo. Eupša ke eng? Ke go leka go pholosha kereke yela. Ke go leka go ba tliša godimo *fa*, go Lentšu la Modimo, go sa kgathalege ka se se sengwe lefase le swanetše

go bolela ka Lona. Dulang le Lentšu la Modimo. Amene. Le a bona? Le a bona?

<sup>84</sup> Selo sa yona ke, boka ke be ke bolela bošegong bja go feta, Mapentecostal ba letile bakeng sa phefo ye maatla e kitimago, eupša ba šitilwe go kwa Segalontšu sela se sennyane sa go homola. Le a bona? Yeo, ke phošo go dira dilo tšeо. Ba nagana, "Ge feela phefo e kitima, go lokile."

<sup>85</sup> Eupša seo ga se se goge šedi ya moprofeta. Phefo ye e kitimago ga se nke e tshwenye moprofeta Eliya ka mphomeng. Medumo ye maatla le magadima, le go tšhologela fase, ga se nke gwa mo tsea šedi, yohle. Eupša se se mo gakgamaditšego e bile segalontšu sela se sennyane sa go homola, sela se sengwe se bolelaga ka teng. "Lentšu la Ka ke Therešo. A nke lentšu la motho mang le mang e be maaka, gomme la Ka le be therešo." Ke seo se gogilego moprofeta. Le a bona?

<sup>86</sup> Gomme le sa tlo se dira. Lentšu la Modimo ka mehla le goga šedi ya monagano wa semoya, gobane ke monagano wa Kriste ka go wena, woo o tsebago gore Lentšu lela ke therešo.

<sup>87</sup> Gomme o ya go kgabola nako ya moleko. Kereke e ya go kgabola nako ya moleko. Motho ka motho yo mongwe le yo mongwe o ya go kgabola nako ya moleko pele a ka tsoge a hula kgoro ya lenaba. Abraham o e kgabotše. Kriste o e kgabotše. Morago ga ge Kriste a tladišwe ka Moya wo Mokgethwa, mola mo nokeng ya Jorodane, O ile go kgabola nako ya moleko. Morago ga ge Abraham a biditšwe, a beilwe ka nageng moo a bego a eya go ba moeti, morago a fa lebollo, gomme Modimo o kopane le yena, nako morago ga nako, efela o ile a swanelo go ya go kgabola nako ye teko. Peu ye nngwe le ye nngwe ya Abraham e dira selo sa go swana, Abraham le Peu ya gagwe.

<sup>88</sup> Mokgatlo, kereke, ke ka lebaka leo re hwetša mekgatlo e wela thoko ga tselo, ke ka lebaka la ge e etla go moleko. Moleko ke eng? Lentšu la Modimo. Moleko šoo. Lentšu la Modimo ke moleko. A re tla dira se sehlopha sa banna ba rego dirang, goba a re tla dira se Modimo a rego dirang? Yeo ke phapano.

<sup>89</sup> Fale e etla, matšatši a Dwight Moody, matšatši a Finney, Sankey, Knox, Calvin, Spurgeon, bohole ka moka ga bona, banna bale ba semoya, mekgatlo e ba latetše. Ba ne sehlopha sa banna morago fale seo se gagotšego tselo ya bona ka go yona, mongwe le mongwe a dumela *se le sela*, le go oketša gannyane *fa*, le go tloša gannyane *fare*, le go oketša gannyane *fa*, go fihla mafelelong ba dirile mokgatlo go tšwa go yona.

<sup>90</sup> Gomme ge ba dira, modumedi wa therešo, Modimo o tla thwi go dikologa gomme a topa yo mongwe yo monnyane, motho wa go kokobela, a pšhatlaganya selo ka diripana. Nnete. Ka mehla o e dirile. Modimo ga a fetoge. Feel a go go ripaganya selo ka ditoki, motho tsoko wa monagano wa semoya yo a tla go dula thwi le Lentšu lela.

<sup>91</sup> A ke le botšeng. Ke ne lengwalo kua gae, la ye nngwe ya dikereke tše kaonekaone, mekgatlo ye megolo ka mosepelong wa Pentecostal. Mosadi yola wa go šokiša wa go robja pelo o nngwaletše lengwalo. Gomme o rile, “Ngwanešu Branham, ke bile le moriri wo motelele gomme ke bile le lephonto ka morago ga hlogo ya ka.” O rile, “Gomme mo . . . Monnamogatša wa ka o o ratile.” Gomme o rile, “Re khudugile go tloga toropongkgolo moo re bilego le kereke yeo e bego e le semoya ka kgonthe, ka go moo kereke ye kgolo ye, kereke ya mathomo ya toropokgolo.” Gomme o rile, “Ge re fihla fale, bohole dikgaetšedi ba Pentecostal ba bile le moriri wa bona o kotilwe.” Gomme o rile, “Ba ntšhetše morago ka yona. Ke rile, ‘Aowa, aowa. Ke dumela Beibele e re go rena go se dire seo; ke bogoboga go dira seo.’” Gomme kafao o nno rile, “Gomme ba tšwetšepele . . . Ba mo segile, ba re, ‘Hei, lethaire la gago—la gago le a phohla ka morago, sephere sa gago,’ le tšohle boka seo. Gomme ba šala monnamogatša wa ka morago, ka tsela e bjalo, go fihla a nkgapeletša go kota moriri wa ka.” Gomme o rile, “Ke bile go solega, ge e sa le.”

<sup>92</sup> Naganang ka yona, kereke ya Pentecostal yeo e swanetšeego go emela Lentšu la Modimo! Ke moo mokgatlo wa lena o le išago. Thwi. Ba šitwa go kwa Segalontšu sela se sennyane sa go homola sa Lentšu, seo se ba biletšago go therešo. Ba theeleditše bakeng sa diphefo tše maatla di kitimago, le bontši bja go goeletša le go bina, ba re ba ne maatla. Seo se lokile. Ke dumela go seo, le nna. Eupša, ngwanešu, ge o ka kgona go bina le go goeletša, gomme morago wa retologa le go gana Lentšu la Modimo, gomme wa phela boka lefase, go ne se sengwe sa phošo felotsoko. Thwi.

<sup>93</sup> Moya wa Modimo o a theoga, Segalontšu sela se sennyane sa go homola, gomme se go šupetša thwi ka go otologa Khalibari, moo re hwilego, gomme bophelo bja rena bo fihlilwe ka go Modimo ka Kriste, gomme bo tswaleletšwe ka Moya wo Mokgethwa. Gona, Lentšu lela le nnoši le phela fale. “Gona ge le dula ka go Nna, gomme Lentšu la Ka ka go lena, kgopelang se le ratago gomme le tla se fiwa.” Phapano seo.

<sup>94</sup> Ke a holofela ga ke bonagale go lena bjalo ka lehlanya. Ge eba ke le, ga ke—ga ke—ga ke tsebe ka sona. Ke—ke dumela gore Lentšu la Modimo ke Therešo, gomme Le swanetše go dula thwi fa. Gomme ge eba Le dula fa, Le tla ipontšha Lonamong ka ntle. Le swanetše go! Bophelo bja gago, modirelo ka moka wa gago, o tla fapano.

<sup>95</sup> Kafao ge Modimo a file Abraham moleko, o tšweletše, diphesente tše lekgolo. Gomme o tla . . .

<sup>96</sup> Modimo a ka se fe mokgatlo moleko, gobane o hlakahlakane gohle. Modimo ga a šome ka tsela yeo le mokgatlo. Ga a šome ka tsela yeo le ditšaba ka molokong wa Bantle. “O tšere batho go tšwa go Bantle.” Israele, O tšere setšhaba. Eupša, ba Bantle, “O tšere batho go tšwa go Bantle bakeng sa Leina la Gagwe.” Kafao,

le a bona, ga se mokg- . . . Ga se mokgatlo. Ke motho ka motho A mo tšeago go tšwa go Bantle.

<sup>97</sup> Gomme ge moleko o etla, le bona go direga eng? Re ile ra tla ntle bakeng sa tokafatšo. Re ile ra amogela kolobetšo ya Moya wo Mokgethwa ka mosepelong wa pentecostal. Eupša ge go etla go nako ya moleko, hwetša dirutegi tše nathilego, nyaka go ba boka lefase, feela boka go bile mo matšatšing a mosepelo wa Wesley le bohole ka moka ga bona. Ba ya sekolong. Ba—ba ithuta saense. Gomme ba ithuta mohuta ohle wo wa dilo tše di sepedišanago le thuto. Gomme ba leka go ithuta saekolotši. “Feeela selo se sekaonekaone, gabotse, se bolele *se*. Anke ba dire *se* le *sela*. Gobane go tla . . .” Le a bona, le a kgoboketša le go aga. Maikaelelo a lena—a lena—a lena a fošagetše. Maikemišetsö a lena a fošagetše. Le agela go mokgatlo sebakeng sa go agela go Khalibari. Le ka kgonna bjang go agela go Khalibari, le sa tle ka tsela ya Lentšu?

<sup>98</sup> “Gobane re hlatswitšwe ka meetse a Lentšu.” “Le dula ka go Nna gomme Mantšu a Ka ka go lena, gona kgopelang se le ratago.”

<sup>99</sup> Fao ke moo re bonago go fenywa ga mosepelo wa Pentecostal, gobane ba tloga kgole le Lentšu. Lentšu le tla bolela selo se tee; ba tla leka go dira mokgatlo wola go tla ka gare ka fale felotsoko. Gomme ba tla sepelela thwi kgole go tloga go Lentšu lela, gomme ba le iša thwi ka gare le mokgatlo. Gomme le bona moo o ilego? Go nyakile go eba boka dikereke ka moka. Eupša nako yeo re a bina le go goelela, le go bolela ka maleme, le go tabogela godimo le tlase, tšona di lokile. Mokgatlo wa bona o lokile. Ke a holofela ke a itlhakiša. Eupša selo ke, Segalontšu selo se sennyane sa go homola sa Lentšu se bolela pele. Seo ke sona.

<sup>100</sup> Le ya go kgabola moleko. Modimo o go leka boka A dirile Abraham. O leka Peu ya Abraham, ka morago ga gagwe. Gomme bjale, lebaka re sa hule kgoro ya lenaba, lebaka go ne bontši bjalo magareng ga rena, ke ka lebaka la gore ga re kgone go emela moleko. Gomme anke ke le botše se sengwe, moleko wa Lentšu o lokile.

<sup>101</sup> Lebaka leo re se nago, gomme re ka se tsoge re bile le . . . ka mokgatlong. Ke nagana Pentecost e ne mokgatlo wo mongwe wo mokaone. Ba bangwe ba banna ba bakonekaone ke . . . beago . . . phelago sefahlegong sa lefase, ke ba yona—yona mokgatlo.

<sup>102</sup> Assemblies of God, ke ne bagwera ka fale. Nna! Ngwanešu thwi fale ka Indiana, ke ya gona, go ba le kopano, ke a dumela, tsela, gonabjale. Ngwanešu Roy Weed, ke monna wa sediko sa naga ya Indiana. Ke dumela yola go ba monna wa bomodimo. Efela, ke monna wa selete wa Assemblies of God.

<sup>103</sup> Foursquare, oo, nna, ke ba bakae! Ralph McPherson le bontši bja banešu bale, ba ba lego banna ba bomodimo, go se selo maphelong a bona. Ke banna ba go loka.

<sup>104</sup> Godimo ka go Oneness, se ba ipitšago bonabeng, Oneness. Goba, bjale, ga ke nagane . . . Ba e bitša Jesus Name church. Jack Moor, go no bitša e tee go tšwa go . . . Go ne makgolo a bona, banna ba bakaone, banna ba go loka, banna ba bomodimo.

<sup>105</sup> Eupša selo sa yona ke, ngwanešu, ke se, ge o lekelela go mokgatlo wola. Le a bona? Modimo o tšeа mekgatlo yeo, gomme—gomme e wele o mongwe le o mongwe. E lebeleleng, bolefase bo ngwegetše ka gare. Lebelelang basadi ba bona. Lebelelang banna ba bona. Lebelelang diemo tša bona. Nka kgona go le šupetša, batho ba Assemblies of God bao ba nago matikone potong ya bona, bao ba nyetšeego makga a mabedi goba a mararo, bareri ba tšwelapele. Basadi ba kota moriri wa bona, ba apara dišothi, meikapo, gomme ba sa ipolela go ba le Moya wo Mokgethwa, ba itshamile ka bohlatse bja go bolela ka maleme, goba go tabogeleng godimo le fase, goba go goelela.

<sup>106</sup> Ba šitiša Segalontšu sela se sennyane sa go homola sa Lentšu. Lentšu lela le go bolokago o thekgegile sefapanong. Ke moo e letšeego. Ke ka lebaka leo ga re ne baprofeta ba mmapale ka kerekeng lehono, boka Akabuse.

<sup>107</sup> Ke ka lebaka leo, kereke lehono, go—go boima go hlompha go bolela ka maleme ge motho a bolela, gobane ba kwele boradia bjo bontši kudu le go ya pele, go fihla ga ba tsebe ke eng nnete le phošo ka go yona.

<sup>108</sup> Ditlhathollo tšeо e no ba go feela dikello, yo mongwe o no bolela se sengwe gobane a ikwela go hlahlwa. Yeo ga se tlhathollo. Tlhathollo; ga se yo mongwe a ema gomme a bolela ka maleme, yo mongwe a emeleta mo metsotsong e se mekae gomme a hlatholla se a se boletšeego. Ge yo mongwe a bolela, yo mongwe o a hlatholla thwi fale, a bolela lentšu ka lentšu, tlhagišo ya go swana, se sengwe le se sengwe go swana. Monna *yo* a ka no be a profeta, eupša ga se tlhathollo. Ba bangwe ba bona, mohuta *wo* wa segalontšu o efa se sengwe, *yo* morago fa a efa se sengwe gape. Gomme ba bangwe ba bolela mantšu a lesome, yo mongwe o bolela mantšu a masometlhano ka morago ga yona, bakeng sa tlhathollo.

<sup>109</sup> *Go hlatholla* go ra “go bolela, lentšu ka lentšu.” Ge eba e le Lentšu la Modimo, le swanetše go tla, lentšu ka lentšu; mothalo godimo ga mothalo, mothalo godimo ga mothalo. Ke ka tsela yeo Lentšu le swanetšeego go tla.

<sup>110</sup> Eupša re bone eng? Boradia bjo bontši! Gomme ba dirile seo, gore, sebakeng sa go duleng le Lentšu, ba bea seo fase fale. Ka pela ge motho a dirile seo, ba mmiditše Mopentecostal. Gomme le a tseba se se diregago.

<sup>111</sup> Ge moleko o etla, nako ya moleko, nako yeo Peu e a thoma, go laetša Peu ke efe gomme ke efe e sego. Bjale, go sa kgathalege go diregile eng, Abraham o dutše le Lentšu lela, tshepišo.

<sup>112</sup> Eupša lehono mokgatlo o ka se kgone go dira seo. Gomme ba bangwe ba lena banešu ba bohlokwa bao le lego ba mekgatlo yela, le ganetšana le bona gatee, le a tseba moo le ilego. Ke ba bakae ba lena?

<sup>113</sup> Ga ke re, ka moagong wo bjale, eupša ke ba bakae bao ba bilego ka go thuto ya ka, ke ba bakae ba bilego le nna, ba re, “Ngwanešu Branham, re a tseba yeo ke Therešo. Eupša ge re ragakwa ntle fa, re ya go dira eng?”

<sup>114</sup> Ngwanešu, re ya go dira eng? Lekelela Khalibari, lekelela go tshepišo, lekelela go sefapano, go sa kgathalege.

<sup>115</sup> Gomme godimo ka fale, ba ne ba bangwe ba banna ba bakaonekaone. Le a bona? Eupša se ke lekago go se dira, ke go re, seo se swanetše go šitwa. Ka mehla se šitilwe gomme ka mehla se tla šitwa. Eupsa ke, ge eba o a šitwa goba aowa, ka Modimo, boloka Lentšu la Modimo le tshepišo ya Gagwe, pele. O tla lekwa ka Lona.

<sup>116</sup> O tla saena dipampiri, gore o tla dira *se goba* go dira *sela*. Ebile kgahlanong le Lentšu, o tla no e saena. Yeo ke nnete. Ka pelong ya gago, o a tseba ke phošo. Seo ke Segalontšu sela se sennyane sa go homola se bolela, Lentšu lela. Ga go makatše ga re kgone go šuthela pele, ka lebaka la se sengwe se diregile. O ikarogantše wenamong go tloga go Segalontšu sela se sennyane sa go homola. O kitimela ntle ka pela kudu. Modimo o be a go bitša, eupša o kitimetše ntle ka pela kudu, gobane medumo e dumile, magadima a bekentše, thaba e šikinyegile.

<sup>117</sup> Ga se nke ya šikinya Eliya, moprofeta yola. O nyakile Segalontšu sela, pele. O rile, “Ke tla ala thwi fa.”

<sup>118</sup> Ba bantši kudu lehono, ba thomišitše, ditirelo tša phodišo, dipapetše tša senama, mehuta yohle ya dilo, le maikutlo ao ebile a sa nkago a bonagala ka Lentšung la Modimo. Yeo ke nnete. Ke eng? Re swanetše go opela pina yela, “Bao ba letago Morena. Anke ke kokobetše boikgogomošo bja ka gomme ke bitše Leina la Gago. Anke ke lete, Morena, go fihla ke ekwa Segalontšu sela se sennyane sa go homola.” Gomme Segalontšu sela e tla ba Segalontšu sa Lengwalo. Se tla bolela tlwa le Lentšu. Amene. Go lokile.

<sup>119</sup> Hweditše, Abraham morago ga ge a beilwe, a biditšwe, a arogane le baratwa ba gagwe, le ba lapa la gagwe, le legae la gagwe, go leloko la gagwe, go ya ka go naga e šele. Ka tumelo o dirile seo. Gona, ka lebaka la gore o e dirile, Modimo o mo fa lebollo, go netefatša gore o be a le morwa wa Modimo, gore o Mo dumetše gobane o be a dumela tshepišo. Efela, ga se a kgona, ga se a e bona tlhagong, eupša o ipoletše, “E ka ba eng kgahlanong le Lentšu la Modimo ke maaka.” Ga go kgathale ke bohlatse bjo bontši gakaakang bo rotogago, e sa le maaka.

<sup>120</sup> Ke hloya go bolela se, eupša ke ya go swanelo go. Lebelelang. Gomme ge le tšeа basadi, ke tla e bolela bakeng sa selo se setee

se bonagalago, le se bonago, bao ba tteleimago go ba le Moya wo Mokgethwa, gomme go se be gabotse go lekanelo go—go tlogela moriri wa bona o gola, go ne se sengwe sa phošo felotsoko. Mosadi yoo a tla aparago seaparo seo se swanago le sa monna, le go se apara, mola Beibele e re, “Ke makgapha go—go Modimo, go mosadi go apara seaparo sa go swana le sa monna.” Gomme morago le tteleima go ba le Moya wo Mokgethwa gomme le dira seo?

<sup>121</sup> Ke boletše ka seo tšatši le lengwe ka Oregon. Go bile le mosadi a nngwaletšego lengwalo le legolo bogolo. O rile, “Ngwanešu Branham, o ne bodiredi bja go makatša, eupša ka kgontho o ya go bo tlhekgemanya.” O rile, “Bjale, go reng ka . . .” O rile, “Ke apara obarolo nako yohle.” O rile, “Go reng ka ga go ya ntłe serapaneng go topelela serapana tsoko—tsoko, gomme o apere roko. A ga o nagane go tla lebega bokaone kudu ka dioborolo go phala go tla ba, goba ditankara, e ka ba eng e lego, go phala go apara roko?” Gomme o rile, “Lebelela, ke namela ka dithabeng le bašemane ge ba eya godimo go diša dikgomo, gomme,” o rile, “ke tla ka lefelong la go tlala menang.” O rile, “Bjale, ka—ka roko e aperwe, e a ntoma. Ka dioborolo ga e ntshwenye.”

<sup>122</sup> Ke rile, “Seo se sesefetše go feta moro o dirilwego ka morithi wa kgogo e bolaištswego tlala go hwa. Kgaogelo! Ga e ne Lentšu le tee la Modimo go yona. Yeo ke kgopolu ya gago.”

<sup>123</sup> Modimo o rile, “Anke lentšu le lengwe le le lengwe e be maaka, gomme la Gagwe e be therešo.” Mosadimogatša wa ka o apara roko. O topelela ka serapaneng. Ga a ne bothata ka yona. Gomme, golebjalo, mosadi ga a ne taba le sehlopha sa banna ntłe fale, ba diša dikgomo, golebjalo. O swanetše go ba ka moraleng moo a lego wa gona. Yeo ke nnete.

<sup>124</sup> Ba no ba ba leka go hwetša boitshwareletšo, eupša ga bo gona. Lentšu la Modimo le pepeneneng, gomme mosadi yoo a tswetšwego ke Moya wa Modimo o tla dira. Gomme monna yoo a tswetšwego ke Moya wa Modimo a ka se dumelele mosadimogatša wa gagwe ka mokgwa wola. O rileng? “Yo a tšeago, a kotago moriri wa gagwe, o goboša hlogo ya gagwe.” Gomme monnamogatša wa gagwe ke hlogo ya gagwe. O gobogile.

<sup>125</sup> Bokaone ke homole. Go lokile. Bjale, le a bona, le a bona, go lekanetše. Le tseba se ke bolelago ka sona.

<sup>126</sup> Ga ke bolele seo ka mona. Ge eba ke bolela seo ka mona, Modimo a gaogele pelo ya ka ya sebe; anke ke tle tlase fa mo aletareng ye, ke sokologe.

<sup>127</sup> Ke e bolela gobane, bagwera, ke a le rata. Gomme ke leka go le botša se e lego therešo, gomme seo ke Lentšu la Modimo. Re swanetše go kwa Segalontšu sela se sennyane sa Modimo, go lekanyetše le Lentšu. Re kgabola nako ya moleko. Haleluya!

<sup>128</sup> A le lemogile gore morago ga ge nako yela ya moleko e etla, borutiši bjola bja morwa yoo yola a tswaletšwego ka lapeng la kerekeleina? Ge eba a emetše moleko gomme a šale le tlhologelo ya tate, gona mošemane yola o tšeetšwe ntle gomme o apešitšwe seaparo, gomme morago go ba mokete o bolelwa. Gomme mošemane yola o beilwe nako yeo ka lapeng leo a tswaletšwego ka go lona.

<sup>129</sup> Ke seo e lego bothata ka Mapentecostal a rena lehono. Ba no tabogela *fa le fale*, gomme mekgatlo ya rena e tla ba gogela ka tsela *ye le ka tsela yela*. Ga ba dule le Lentšu.

<sup>130</sup> Ge le ka dula le Lentšu, gona Modimo, go boneng, “Ge le dula ka go Nna, gomme Lentšu la Ka ka go lena,” la Gagwe, A ka se kgone go Le gana. Ke Lentšu la Gagwe. Gona go tla ba nako, nako ye nngwe, ge o tla ntšhetšwa ntle le go bewa ka thoko, gomme wa fiwa se sengwe seo e lego sa mmapale, haleluya, maatla a Ramaatlakamoka Modimo.

<sup>131</sup> E lego, Modimo o letile bakeng sa bana ba Gagwe, eupša ba no se be mothalong, ge ba etla go nako yela ya moleko. A o ka e amogela? “Gabotse, kereke e tla nthaka.” Go lokile. Ke lena bao. Gona, sepela. Yeo ga se Peu ya Abraham. Peu ya Abraham ga e itshware ka mokgwa woo.

<sup>132</sup> Peu ya Abraham! Bjale, ga ke tshwenyeye ke eng e tlagó kgahlanong le Abraham, o dutše thwi le Lentšu lela la tshepišo, go no dula thwi le lona. Ga go kgathale ka fao Sarah a tlagó, ba bangwe ba tlagó, ba go fapaná ba tlagó, se sengwe le se sengwe, o e badile o ka re e be e se. O lebeletše, o dumetše gore a ka bona tshepišo, gobane Modimo o e tshepišitše go yena, gomme seo e bile sohle se lego go yona. E be e le Lentšu la Modimo, le dutše thwi ka go yena.

<sup>133</sup> Morago O mo file moleko wola wa makgaolakgang. “Ke tla mo fa karolo gabedi, gomme ka mo leka.” Bjale, o šetše a ne morwa. O a bona o ne yola. “Eupša bjale Ke tla mmotša, ‘Tšeela morwa yola godimo gomme o e bolaye.’ Gomme anke morwa yola, ge a bona . . . A o tla bolaya morwa yola? Ke tla mo leka bjale.”

<sup>134</sup> Abraham, go rerešetša Lentšu! Bjang, ge o amogela tshepišo, o ya go emiša selo bjang? Bjang, o ya go dira bjang?

<sup>135</sup> “O ya go tsoge wa letela bjang go ba tate wa ditšhaba, gomme ke wena yo bogolo bja mengwaga ye lekgolo le lesometlhano bjale? Abra- . . . Isaka yo monnyane, a ka ba lesomenne, bogolo bja mengwaga ye lesometlhano. O ya go ba tatago ditšhaba bjang mola o le bogolo bja mengwaga ye lekgolo le lesometlhano? Ngwana wa gago a nnoši šo, gomme o senya bohlatse bo nnoši bja gago bjoo o nago bjona.” Amene.

<sup>136</sup> “Ke ya go e dira bjang ge nka tšwa mokgatlong wa ka? Ke ya go e dira bjang ge nka dira *se*?” Oo, theetšang Segalontšu sela se sennyane sa go homola gomme le tle go Lentšu, Lentšu.

<sup>137</sup> O re, “Ke kwele segalontšu se mpotša *se*.” Ge eba se le kgahlanong le Lentšu, e be e se Segalontšu sa Modimo. Segalontšu sa Modimo se tla go Lentšu.

<sup>138</sup> Morago Abraham o sepeletše thwi godimo fale go Segalontšu, gomme se sa le, Segalontšu se sennyane sa Modimo, go Lentšu la Modimo, o swanetše a tšee bophelo bja morwa wa gagwe mong.

<sup>139</sup> O rile, “Emiša seatla sa gago, Abraham. Ke a tseba o a Nthata bjale. Gomme bale bohle ka morago ga gago, haleluya, bale bohle bao ba tlago ka morago ga gago, bao ba ratago go tsea Lentšu la Ka, e tla ba Peu ya gago, gomme fale o tla hula kgoro ya lenaba.”

<sup>140</sup> Ke duma nka ba le nako go le botša se sengwe seo se diregilego matšatši a se makae a go feta, le a bona, ka se se diregilego. Oo, nna!

<sup>141</sup> “Tla hula kgoro ya lenaba; Peu ka morago ga gago. Abraham, yo a go šegofatsago o tla šegofala, gomme yo a go rogakago o tla rogakwa.” Jesu o rile, “Go kaone go lwala go lekeletšwa molaleng wa gago, le go lahlelwa botebong bja lewatle.”

<sup>142</sup> Gomme mekgatlo ye yeo e retollago banna bale ba bomodimo, gobane ba tšere kemo bakeng sa Therešo, Lentšu, le Moya le maatla a Modimo, gomme ba dula le Lentšu, le bona go diregile eng? Ba nweletše ka lewatleng la bolebadi.

<sup>143</sup> “Bokaone lwala le lekeletšwe molaleng wa gago, le go nweletšwa ka mabotebong a lewatle, go feta ebole go kgopiša yo monnyanenyane wa Ba ba tloditšwego.” Ke bona eng? Peu ya Abraham e dula le Lentšu le tshepišo.

<sup>144</sup> Tše dingwe tša dikereke tša rena di tla lefelong ba a gana. Ba gana phodišo Kgethwa. Ga ba e nyake ka kerekeng ya bona gapegape. Yeo ke nnete. Mekgatlo ya rena ya Pentecostal ga e sa nyaka phodišo Kgethwa. Ke eng? A ga le bone ka fao diabolo a šomilego? O fihlile tikologong fale gomme o boletše dilo tša boradia mmogo ka mokgwa wola. Gomme feela banna ba bohlale ba nagana ba semoya, gomme lebelelang seo, ba re, “Lebelela *yola*. Lebelela *yola*.” Ga ka lebelela *yola*.

<sup>145</sup> Ge o le Peu ya Abraham, o tla lebelela go Modimo, se Modimo a se boetšego go dira ka ga sona. Yeo ke yona. Peu ya Abraham, re lebelela tshepišo. Ga ke kgathale ke ba bakae ba welago ka tsela *ye* gomme ke ba bakae ba welago ka tsela *yela*. Tshepišo e ema go rereša.

<sup>146</sup> Le swanetše go tla go kgabola meleko *yela*. Le a bona? Ee. Abraham, o lekilwe pele, gomme morago a swaiwa, morago a fiwa tshepišo gore “Peu ya gago e tla hula kgoro ya lenaba.” Ke rata seo. Gona, ba hutše dikgoro tša lenaba la bona morago ga ge ba lekilwe.

<sup>147</sup> Selo sa yona ke, ga re kgone go emela moleko. Ke ka lebaka leo mekgatlo ya rena e ka se emele moleko. Ga se thato ya

Modimo. Ke, Modimo o e šegofaditše, eupša ga se thato ya Modimo. Gobane, le a bona, le ne sehlopha ka moka sa banna fa ka dihlopha ka moka tša dikgopololo, gomme ba di kgoboketša mmogo gomme ba tšwelela le ye kaonekaone ba ka kgonago. Ba bangwe ba bona ba re, “Yo ke monna yo mogolo. Le ka se gane lentšu la gagwe.” Gabotse, ke ka tsela ya go swana kereke ya Katoliki e beatantšwego, selo sa go swana, godimo ga sehlopha sa badumedi ba bohlale. Babohlale, ba e lebelela, ba e nyalantšha le dinako. Le ka se kgone go dira seo. Se sengwe le se sengwe gape ke maaka eupša Lentšu la Modimo.

<sup>148</sup> Abraham ga se nke a lebelela selo se tee eupša tshepišo ya Modimo. Go sa kgathale se e bilego, o dutše le tshepišo ya Modimo.

<sup>149</sup> Gona ke ka lebaka leo re sa hwetšego bontši. Mokgatlo o ka se hule kgoro ya lenaba. Go ne menagano ye mentši ya go tswapoga ka fale.

<sup>150</sup> Go swanetše go tšea motho ka motho, yo a hulago kgoro ya lenaba. O ka e dira ge o duma go dira. Ee, mohlomphegi.

<sup>151</sup> A re lekeng di se kae, bakeng sa metsotso e se mekae, go bona ge eba ba dula le Lentšu.

<sup>152</sup> Bjale, go bile le nako ka Babilonia ge go bile le se—se seswantšho se tsenngwe, gabotse sekai sa kereke ya Katoliki, gomme bohole bao ba se go ba khunamela seswantšho sela ba tla fišwa ka leuba la mollo. Bjale, e be e le makgaolakgang, ge eba ba be ba eya go dula, ge Modimo a rile, “Le se ke la ba le badimo ba bangwe pele ga Ka, goba la dira seswantšho sa e ka ba eng.” Seo ke se Modimo a se boletšego. Makgaolakgang a tla.

<sup>153</sup> Bohle ka moka ba Israele ba wetše thwi ka gare. Gomme ge phalafala e galagaditšwe, gomme—gomme kwadi e galagaditšwe, le—le mokodietane o galagaditšwe, gabaneng, bohole ba wetše fase pele ga seswantšho se.

<sup>154</sup> Eupša go bile ba bararo ba bona ba rilego, “Ga re dire selo.” Ba kwele Segalontšu sela se sennyane sa go homola, gomme ba dutše mothalong le Lentšu. Ba dirile eng? Ba dutše le Lentšu.

<sup>155</sup> Gomme ka morago, ba—ba—ba rile, “Ge le sa e dire... Re tla le fa monyetla wo mongwe, goba re tla le lahlela ka leubeng la mollo.”

<sup>156</sup> Ba rile, “Modimo wa rena o kgona go re namolela go tšwa leubeng la mollo.” [Ga go selo go theipi—Mor.] “Eupša, le ge golebjalo, re tla dula le Lentšu.”

<sup>157</sup> Bjale, ngwanešu, go reng ka wena? “Ke tla dira eng, Ngwanešu Branham?” Dula le Lentšu. Dula le tshepišo. “Kekere ya ka e tla tloga kgole le nna.” Dula le tshepišo. Ba swanetše go timelela, go ya kgole letšatšitsoko, go le bjalo. Eupša, Modimo a ka se ke. Dula le tshepišo. “Gabotse, ke a go botša, ba tla nthagela ntle.” Dula le tshepišo, feela go swana. O dula thwi le

tshepišo. Bjale, ge o ka kgona go dula le tshepišo fale, dula thwi le bona gona.

<sup>158</sup> Kopanelo le yo mongwe le yo mongwe. Eupša bjale fa, bjale, o ka se tsoge wa thopa ka tsela efeng ye nngwe eupša ntle le go kopanelo le yo mongwe le yo mongwe. O swanetše go. Bjale, ge ba bile gampe bjalo, bona ka boitshwarohlephi, gona dula kgole le yona. Yeo ke nnete. Se tle lefelong la lenaba. Eupša ge feela o leka go thopa ngwaneno, go a fapanana. Le a bona?

<sup>159</sup> Bjale šetšang. Eupša o ka se tsoge wa thopa kgopolو ya mokgatlo, motho o tee. Aowa, mohlomphegi. Ge, ba ne molao wa bona o theilwe, “Re dumela *se*, khutlo!” Ge le ka ngwala thuto ya lena, “Re dumela *se*,” fegelwana, go tla fapanana. Khutlo e ra, “Re dumela *se*, gomme o swanetše go tla go *se* le go saena pampiri ye, goba seo ke sohle sa yona.”

<sup>160</sup> Eupša ge o re, “Re dumela *se*,” fegelwana, “hlakanya le bontši bjoo re ka ithutago go tšwa go Modimo. Re buegile go Moya wo Mokgethwa,” gona o ya pele, ngwanešu. Ee. Go ya go fapanana bjale.

<sup>161</sup> Eupša, le a bona, ge o e ngwadile ka khutlo, gomme Modimo a efa sengwe se sengwe se rotoga, se netefatša go ba Lentšu la Gagwe, Therešo, o ka se šuthe, gobane ke “khutlo.” Seo se a e fetša. Ke moo Malutheran a hwilego. Ke moo Mamethodist a hwilego. Ke moo Mabaptist a hwilego. Ke moo Presbyterian e hwilego. Gomme ke moo Pentecostal ba hwago. Yeo ke nnete. Yeo ke nnete. Ba hwa thwi fale, nno lebelelang, gobane šetše e—e ngwadilwe. Ga se gona o—o ka kgonago go oketša go lona goba go tloša go lona. E—e fale. Ke thuto ya lena.

<sup>162</sup> Lutheran ga se e kgone go amogela tlhwekišo. Aowa, mohlomphegi. O be šetše a rile, “Moloki o tla phela ka tumelo.” E sego Martin Luther; eupša sehlopha sela seo se mo latetšego. Yeo ke nnete.

<sup>163</sup> E sego John Wesley; eupša sehlopha sela se mo latetšego. Yeo ke nnete.

E sego Calvin; eupša sehlopha sela se mo latetšego.

<sup>164</sup> E sego John Smith wa kereke ya Baptist, yo a rapetšego ka maatla bjalo, mo bošegong, go fihla mahlo a gagwe a tswalegile ka go ruruga, bakeng sa kereke; gomme mosadimogatša wa gagwe a swanela go mo hlahlala ntle le go mo lesa fale ka lehwana, mo tafoleng. E sego yena; eupša sehlopha se sa Mabaptist seo se mo latelago, mokgatlo woo o tlago ka morago ga gagwe.

E sego Alexander Campell; eupša bale ba mo latetšego.

<sup>165</sup> E sego mosepelo wa pentecostal mo mathomong, ba ba bilego le dilo tšohle go swana, le go kopanelo le yo mongwe le yo mongwe; eupša dihlopha tše di tlago gomme di rile, “Aowa. Ke rena *se*, gomme ke rena *se*. Gomme tše ke ditaba, gomme yeo ke

yona!” (“Ba ikaroganya bonabeng, go bonala ba se na Tumelo.”) Nnete. Ke seo e se dirilego. Seseo selo se sebe. Amene. Ke ikwela bodumedi, mosong wo.

<sup>166</sup> Bana ba Bahebere, morago ga ge ba emetše moleko, ge eba ba tla dula bakeng sa Lentšu la tshepišo, goba aowa, ba ile ba bewa go lekwa. Gomme ba dirile eng? Ba hutše kgoro ya lenaba. Amene. Gobaneng? Ba dutše le Lentšu.

Dulang le Lentšu, Segalontšu sela sa Modimo seo se bolelagole lena.

<sup>167</sup> Bjale, mabaka ohle a rile, “Bjale, lebelelang. Babilonia, go ka se be go fapania. Gobane, rena, ge re khunama pele ga seswantšho se, re rapela Modimo, golebjalo. Gabotse, ge re e dira ka tsela *ye*, re e ra ka tsela *ye*.”

E dire ka tsela ye Modimo a boletšego.

<sup>168</sup> Go ka reng ge Modimo a rile, “Moshe, rola dieta tša gago, Moshe. O lefelong le lekgethwa.”

<sup>169</sup> O re, “Ke a Go leboga, Morena. Ka kgontha ke dumela go Wena. Ke tla no rola kefa ya ka, sebakeng. Ke bothata kudu go bofolla seeta sa ka.” Uh-huh. Huh! E ka se tsoge ya šoma.

O rile, “Seeta.” Ga se A re “kefa.” Nnete.

<sup>170</sup> O swanetše go tla, mothalo ka mothalo, se Modimo a se bolelagos, gomme o eme mothalo le Lentšu la Gagwe.

<sup>171</sup> Bjale, ka morago ga ge ba bile le moleko, ba hutše kgoro ya lenaba ya mollo. Ba hweditše, ge ba ile ka thwi tlase bofelong, ba dutše Lentšung la Modimo, ba hutše kgoro. Yeo ke nnete. Morago . . .

<sup>172</sup> Daniele. Go bile le kgoeletšo e ilego pele, gomme e saenetšwe ke Bamede Baperesia, yeo e ka se fetolwego, gore, “Ge e ka ba mang a rapetše modimo ofe yo mongwe, anke a lahlelwé legolong la ditau.” Gomme Daniele o tsebile gore Lentšu la Modimo le be, go rapela Yena a nnoši, kafao o nno bula mafastere gomme o rapetše golebjalo. Bjale, ga sa nke a ya morago khoneng. O butše mafastere go lebanya tempeleng. O be a se ne hlong ka yona.

<sup>173</sup> Gomme ga re nyake go diragatša bodumedi bja rena ka Lamorena, gomme Mošupologo ra dira se sengwe gape. Goba, go dumela ka pelong ya rena selo se tee, ra tla pele ga yo mongwe gomme ra re, “Gabotse, ga ke tsebe. Ya, ke nagana o a rereša.” E ba se o logo. Ga o sona, tloga phuluphithing, tloga ka kerekeng. Yeo ke nnete. Gobane, o morwalo go bobedi. Dula se o logo. Bolela se o se dumelago, gona ga se gona o yago morago go tšwa go sona. O emela feela tlwa se e logo therešo. Yo mongwe le yo mongwe o tseba mebala ya gago. Banna ba tla go thabela, monna e ka ba ofe.

<sup>174</sup> Mosadi a ka no befa o ka re bohole ba a tšwa. A ka no ba yo mogolo, yo mokoto, yo monnyane, wa go ota, hlogontsho,

mahlomatsoho, mahlobolou, mahlomasehla; e tee, tsela e tee, gomme e tee e nngwe. Eupša ge mosadi yola a hlwekile, mohumagadi, ga go monna ka nageng eupša yoo a ka go ba rolelago kefa, o ne boima bja bonna ka go yena. Nnete. Gobane, o—o tšweletša se a lego sona, gomme banna ba se leboga.

<sup>175</sup> Go bjalo Modimo o tla thabela monna yoo a tla bago se a lego sona, goba banna ba ba ipolelago Bokriste. A re beng Mokriste, a tladitswego ka Moya wo Mokgethwa, ka Lentšu la Modimo, goba lebalang ka yona. Nnete. Gobane, go se go bjalo, o ba moikaketši, le go phela bophelo bja go fapano. Gomme batho ba go bona o kitimela ntle ditansing, le go kgoga, le dilo boka tše, gomme o tteleima go ba Mokriste, gona, o a bona, o bea kotanašitiši tseleng ya ba bangwe.

<sup>176</sup> Go bona lena basadi, dinako tše dingwe, ka fao le kotago moriri wa bona le go apara le go itshwara ka go apara diroko tše nnyane tše tša kgale, go bonala boka biana ya go hlobiwa goba se sengwe, gomme o eya ntle fale mo mokgotheng, o sepela tikologong, dihili bogodimo e ka ba *bjola*, o penapena go theoga mokgotha. A seo ke sepentecostal? Morago di—di dikere tše dingwe di re, “Ba tteleima ba ne se sengwe seo ba se nago.”

<sup>177</sup> O swailwe le go marakwa ke Moya wo Mokgethwa. Ga o ka holong ya tansi bosegong bjo le go gokarwa ka matsogong a monna tsoko, yoo a sego monnamogatša wa gago; bošego bja go latela, gomme o tla morago kerekeng le go bina gohlegohle lefelong. Seo ga se sepentecostal. Seo ke boikaketši. Seo ke ditšhila.

<sup>178</sup> Ga ke e re bontši kudu go lena. Eupša, le a lemoga, ditheipi tše tše di dirwago fa di ya gohle lefaseng, kafao ke no rera boka ke go lefase ka moka. Ge ke ikwela Modimo a re, “Bolela se sengwe,” ke no se bolela, gobane ga ke tsebe moo se yago. E go Yena go hlokomela seo. Nno dula le Lentšu. Yeo ke nnete. Go lokile.

<sup>179</sup> Aowa, Daniele a ka se khunamele kgoeletšo ya bona, ge eba o lahletšwe ntle ga mokgatlo goba aowa. O dutše thwi mo lefastereng, gomme o dutše le Lentšu la Modimo. O be a se dihlong ka Lona.

<sup>180</sup> Go diregile eng? Ba mo lahletše ka legolong la ditau, eupša o hutše legolo la ditau. Gobaneng? Letago! Ka gobane Modimo o rile ya gagwe . . . “Peu ya gago e tla hula kgoro ya lenaba.” E ka ba eng lenaba le lego, o ne kgoro. Oo, ke makga a makae re ka . . . ?

<sup>181</sup> Lebelelang Moshe, a latela mothalo wa ditaelo tša Modimo, o ile tlase ka Egepeta, go bonagetše eke se sengwe le se sengwe se be se le kgahlanong. O bile le baekiši tsoko bao ba ilego le yena. O ile tlase le maswao a—a mmalwa, go bontšha gore o be a ronngwe. O lahletše sephente fase, le go ya pele ka mokgwa woo.

<sup>182</sup> Gomme šefa go tla baekiši, ba lahletše tša bona fase. Ke eng a bego a ka e dira? Ga se gona. Modimo ga se nke a mmotša ba be

ba eya go dira seo. O nyakile go leka Moshe. O be a le Yena Yo a dumelitšego Jannese le Jamboro go lahlela disephente tša bona fase, goba mapara a bona.

<sup>183</sup> Kafao Moshe o eme fale mothalong wa mošomo. O lahletše lepara la gagwe fase. Le fetogile noge. O rile, “Lebelelang seo, Farao. Ke se Morena wa ka a mpoditšego go tla, go dira pele ga gago.”

<sup>184</sup> Farao o rile, “Etlang fa, Jamboro le Jannese.” Ba lahletše mapara a bona fase. A fetogile dinoga, se Moshe a se dirilego.

<sup>185</sup> A sefahlego sa gagwe se hwibitše? Aowa, mohlomphegi. O be a sa dumela Modimo o mo romile. O dutše le tshepišo yela. Gomme go diregile eng?

<sup>186</sup> Ke ge o le pele ga dikopano tše dingwe tša lena tša khonferense. Sefahlego sa gago se ka hubala, gannyane nthathana. Dula le Lentšu.

<sup>187</sup> Go diregile eng? Gateetee, petlwa ye kgolo ye ya Moshe ya tla tikologong gomme ya di kwametša. Modimo o hlatseditše. Morago ga moleko wa gagwe, o rile, “Ke a go nyaka, ka leswao le, go iša bana ntle mošola. Ke nyaka o ba romele morago gae, moo ba lego ba gona. Modimo o fologetše fa go botša, go nthoma tlase fa go ba namolela. Ke nyaka ba boele morago.” O lahletše yela fase.

<sup>188</sup> Oo, moleko o a tla. Moshe, o ya go dira eng, go retologa, wa sepela, wa re, “Gabotse, nka no be ke bile phošo?” Aowa, mohlomphegi.

Moshe o eme thwi fale, “Modimo o nthomile ka se.” Letago!

<sup>189</sup> Modimo o bolela e ka ba eng, dula le Yona. Ga go kgathalege se se diregago, dula le Yona. Ge ba go beela ntle gomme ba re, “Re ka se dirišane, re ka se dire se,” dula le Yona.

<sup>190</sup> Moshe o dutše thwi le yona. Go diregile eng? O hutše kgoro ya lenaba la gagwe. Haleluya. Diabolo o rile, “Ke tla katološa Lewatle la go Hwa ka pele ga gago,” eupša le bulegile. Ga se ba kgona go ba swarelela ka Egepeta gape. O hutše kgoro ya lenaba. Gobaneng? Ka gobane o dutše le thomo Modimo a mo fago. Melao ya Modimo, o dutše le Lentšu la Modimo gomme o hutše dikgoro tša lenaba.

<sup>191</sup> Joshua, morago ga ge a ile go kgabola moleko. O be a bile tlase kua, ka kgonagalo, gomme o ruthile go kgabola Jorodane, yena le Kalebe, le ditlhodi. Ge a etla morago godimo go tšwa Jorodane, ba fihlile godimo Kadese-Barnea. Gomme bohle ba bona ba rile, “Oo, ge re ka thoma, yeo e tla thuba mekgatlo ya rena ka dintshetlana. Re ka se kgone go ya ka gare.”

<sup>192</sup> Moya wola ga o hwe. “Oo, re ka se kgone go ba le Yeo. Ge re ruta Yeo go batho ba rena, re tla dira eng? Re tla tše a gabotse bokgauswi seripa sa matikone, ka kerekeng, ntle. Ba nyetše gabedi, makga a mararo. Re tla dira eng? Rena, gobaneng,

ge re boditše basadi ba rena gore ba swanetše go ba le moriri wo motelele, le tseba se ba tla se dirago? Ba tla tlogela kereke. Gomme re tla dira eng? Gobaneng, re tla no tšeelwa fešene ya kgale.” Jesu o be a le fešene ya kgale, le yena. “Re ka se kgone go dira seo. Re ka se kgone go dira seo. Ke bontši kudu go rena.”

<sup>193</sup> Le a tseba se modumedi wa mollwaneng a fihlago gona. Bahebere, tema ya 6, e hlatholla seo. “Yo a kilego a ke a bonegetšwa, ba dirilwego batšeakarolo ba Moya wo Mokgethwa, morago ba wa, go impshafatša gape yenamong.” O tla mollwaneng wola gomme o ganne go ya mošola, yeo ke yona, o ganne ka go felelela go dumela.

<sup>194</sup> Gobane, Kalebe o dirile eng? Joshua o dirile eng? O rile, “Re go feta go kgona go e tšea.” Gobaneng? Ba dutše le se Modimo a se tshepišitšegeo.

<sup>195</sup> Gobaneng, ba rile, bona ba bangwe ba rile, “Gabotse, ke ditšitsiripa. Ba ageletswe ka gare gohle. Ba ka tsela *ye*. Gobaneng, ga re kgone go ba kgwatha, le ka tsela efe.”

<sup>196</sup> Joshua o rile, “Re le go feta go kgona go e dira. Homolang, lena batho! Homolang! Dulang fase!” Amene.

<sup>197</sup> Ke a le botša, tumelo e ka go selo se segolo bogolo, ge e etla ka go Lentšu la Modimo. Ga a boife nako yeo. Tumelo e ne meriri mo sefegeng, digoba tše kgolo. E re, “Homolang!” Se sengwe le se sengwe se gegela sekhutlaneng, yeo ke nnete, ge Modimo a bolela. “Le dula ka go Nna, gomme Mantšu a Ka ka go lena, bolelang se le se ratago.” Ke lena bao. Oo, ke rata seo. Hmm!

Bodiabolo ba tla roromela, gomme badiradibe  
ba phafoga; Tumelo ka go Jehofa e tla šikinya  
e ka ba eng.

<sup>198</sup> Le ka kgona bjang go ba le tumelo ge le tseba gore ga le šome, le sepela ka Lentšung la Gagwe, ge le tseba go ne dilo tšeal fale tšeal le swanetšegeo go di bolela gomme ga le di bolele? Go ne dilo le swanetšegeo go di ruta gomme ga le di rute. Go ne dilo fale tšeal le ka se kgonego go di bolela, gomme le ka kgona go ba bjang le tumelo mola le tseba le phošo?

<sup>199</sup> “Ge pelo ya rena e sa re sole.” Ke lena bao. Ke lena bao. Eupša dulang le Lentšu lela, moo go sego se se solwago. “Ga go na tsholo go bona bao ba lego ka go Kriste Jesu, bao ba sa sepelego ka morago ga nama eupša ka morago ga Moya.” Moya o hlahlala le Lentšu, gobane Moya o kgona go tla feela g tšwa go Lentšu, gobane Lentšu la Gagwe ke Moya. Gomme Le kgona feela... Moya wa kgonthe wa Modimo o kgona feela go bolela Lentšu la Modimo. Oo, nna! Nna, nna!

Tloga, lefase. Sathane, re tlogele.

<sup>200</sup> Se boife go re go thaba ye, “Šutha.” E bolele. Dula fale, e bogele e šwalalana. Yeo ke nnete.

<sup>201</sup> Eupša o ne tsholo e efeng fale, bokaone—bokaone o homole. O no ba o ngunanguna gona. Ga o bolele therešo. Ga o bolele dilo tše o swanetšego go di bolela. Go lokile.

<sup>202</sup> Re hwetša gona gore Joshua, morago ga ge a ile go kgabola moleko wola, o bone bohlatse bja naga e botse, gomme o eme fale ka Kadese Barnea gomme o ipelaeditše kgahlanong le bohle ba bona, gomme o rile, “Re le go feta go kgona go e tšeа. Re ka kgona go e tšeа.” Kgopolе e be e le eng? Go tshelela mošola.

<sup>203</sup> Kgopolе ya Moshe e be e le eng? “Bontšha leswao le gomme o ntšhetše bana ntle.” Gomme go bonagetše eke e paletšwe. Eupša o dutše le Lentšu, gomme kgoro ya Lewatle la go Hwa ga se e kgone go mo swara. O ile thwi go e kgabola. O hutše kgoro ya lenaba.

<sup>204</sup> Joshua, a lebeletše tshepišo ya Modimo, o rile, “Re le go feta go kgona go e tšeа.” Yeo ke nnete. Gomme ge a fologetše Jorodane, o dirile eng? E file tsela. Amene. Yeo ke yona. O hutše kgoro ya lenaba. Jorodane yela e be e mo thibetše go yeng mošola le go tšeа tshepišo yela. Eupša o fihlile tlase fale, o be a le Peu ya Abraham. Gobaneng? O dumetše Lentšu la Modimo. Ke tsela e nnoši o ka bago Peu ya Abraham, ke go dumela Lentšu la Modimo. Gomme gona o dirile eng ge a etla tlase moo a bego a le komana go tšeа lenaba? Modimo o butše kgoro, gomme o e hutše, o e tšere, o ile mošola.

<sup>205</sup> Ge ntwa ya mathomo, kgakgano ya gagwe ya mathomo a bilego le bona, maboto a be a le a magolo kudu ba kgona go swara mokitimo wa dikoloi godimo ga ona. O ya go ba hwetša bjang? Ba tšhaba go tloga go yena, ba boela ka gare. Lenaba le tla dira, le lona. “Eupša o tla tšeа kgoro ya lenaba.”

<sup>206</sup> O rile, “Morena, ke dire eng?” O sepetše go dikologa, morago ga sekgalela se sengwe, a nagantšhiša. O bone Monna a eme ka tšhoša ya Gagwe e khwamotšwe. Joshua o khwamotše tšhoša ya gagwe, o rile, “A O wa rena? A O wa lenaba la rena?”

O rile, “Ke nna Molaodi wa madira a.”

“Ke swanetše ke dire eng?”

<sup>207</sup> “Matšha go le dikologa, makga a lesometharo. Kwagatša phalafala. O tla tšeа kgoro ya lenaba.”

<sup>208</sup> E wetše fase. Ee, mohlomphegi. Gobaneng? O be a le Peu ya Abraham, yeo e bolokilego Lentšu la Modimo. O tšere kgoro ye nngwe le ye nngwe yeo e tlago go yena. Ka nnete.

Go ba thari. Ke swanetše go tlogela.

<sup>209</sup> Lebelelang, bagale bohle ba bohlokwa ba, ke swere letlakala le tletše ka bona le ngwadilwe fa. Eupša bagale bohle ba bohlokwa ba, dilo tšeо ba di dirilego, mafelelong ba hwile.

<sup>210</sup> Eupša morago go tla Peu ya kgonthe ya tumelo, Peu ya Bogoši ya Abraham, Jesu, tshepišo. Abraham o bile le Isaka, therešo, ka

morago ga nama, eupša Peu ya kgonth e be e se ka tshepedišong yela ya mokgatlo. E be e le ka go tshepišo ya Lentšu la Modimo, gore O tla mo dira tate wa ditšhaba, e sego ka Isaka, eupša ka Peu ya Bogoši, Jesu. Yoo e be e le Peu ya Bogoši, yeo, gabotse, Peu ya Abraham. Jesu o be a se Mojuda, ešita O be a se Montle. O be a le Modimo. Le a bona? Ma . . .

<sup>211</sup> Lena Makatoliki fa, šegofatšang pelo ya lena. Eupša ge le rapela Maria bjalo ka modimogadi, bothata ke eng ka lena, golebjalo? Maria o be a se selo eupša mosadi. Modimo o mo kgethile. O be a no ba sealamedi. Yeo ke phetho. Sealamedi, ke seo mosadi a lego, eupša o amantšhw a le peu ya monna.

<sup>212</sup> Eupša, ke batheeletši ba go hlakana, eupša ke swanetše go bolela se gore le kwešiše se ke bolelago ka sona. Bjale, theetšang ngaka ya lena—ya lena, gomme ke nna ngwaneno. Ka kgonth e le ka dira.

<sup>213</sup> Maria ga se a be le modula ka go Kriste. Ga se go be le maikutlo a thobalano ge Moya wo Mokgethwa o mo alamela, e sego nthathana. Eupša Modimo Ramaatlakamoka, Mohlodi, o hlotše sele ya Madi le modula. Hmm! Ge eba e be e le modula go tšwa go Maria, gona bahu ga ba tsoge.

Letago! Seo se no tla bonanana. Ke sa tšo swara seo.

<sup>214</sup> Gona ge eba le re ga go ne phapano, se re se dirago, gona gobaneng Modimo a re botša go ahlogana le dilo tša phošo? Gobaneng Modimo a tsošitše mmele wa Jesu, ge eba go se bjalo? Kafao, le a bona, go be go ka se be le mosadi a kgolaganego ka go yona. Ge eba go bile, gona mmele wa Gagwe o be o swana le wa mme wa Gagwe, Maria, gobane o bile le taba ya thobalano ka go alamelwa ke moyo woo o mo dirilego go—go tšholla peu, gomme ke phošo. Moya wo Mokgethwa, ka kimo ya makgethe, haleluya, fale O hlotše bobedi peu ya monna le mosadi.

<sup>215</sup> A Jesu o mmiditše “mme”? E hwetše ka Lengwalong. O mmiditše “mosadi.” Haleluya! Mosadi! (Yeo e nanana. Ke ka lebakala leo e e dirago ka tsela ye e e dirago.) “Mosadi, bona morwa wa gago.” Milione wa dimaele kgauswi le yena go feta A bile.

<sup>216</sup> O be a le Modimo. O be a se Mojuda goba Montle. O be a le Modimo, bobedi nama le mmele, Modimo a dula ka go Yena. Modimo a dula ka go peu ya mosadi? Ka se kgone go e dira. Peu ya mosadi e swanetše go ba le se sengwe go dira le nama ya ren a. Eupša e bile Madi hlakanya le peu, yeo Modimo a alametšego.

<sup>217</sup> O be a ka e bea mo koteng ge nkabe A nyakile. Ee, mohlomphegi. O be a ka e bea e ka ba kae A nyakilego.

<sup>218</sup> Eupša O e tlišitše gobaneng mosadi a bile ka go weng. Fale go tla Morwa wa makgethe wa Modimo a phelago, a hlotšwe, a tswetšwe bokgarebe, bobedi mmele le soulo.

<sup>219</sup> Gobaneng Dafida a re, “Nka se bone Mokgethwa wa Ka . . . lesa Yo Mokgethwa wa Ka go bona tshenyego, Yo Mokgethwa wa

Ka go bona tshenyego. Ešita Nka se tlogele soulo ya Gagwe ka heleng”? Dafida o boletše seo. Le a bona? Bobedi soulo, mmele, le moyo, di hlotše ke Modimo, ke Yena.

<sup>220</sup> Mosadi o be a se mme. E be e le mosadi. Ke a dumela o be a le wa go loka, mosadi yo mokgethwa. Ka nnete. O be a sa nka a ba sealamedi. Modimo o be a ka se tsoge a kgetha sealamedi sa ditšhila. Morena a rata, ke rera ka seo bošegong bjo, eupša, “Sealamedi sa kgale sa tšhila ke eng?” Go tliša wa Gagwe, go tliša Morwa wa Gagwe lefaseng, O kgethile “kgarebe e sa tsebego monna.” Ešita ga se a be le peu e rilego e lokollwa goba e ka ba eng gape ge Moya o Mokgethwa o mo alametše. Gobane, Modimo, ka go makgethe a Gagwe, tsela ya tlhokamagomo, o hlotše ka go yena: soulo, mmele, le moyo, wa Jesu Kriste. Yeo ke nnete. O be a le Morwa wa Modimo motswalwa ke kgarebe.

<sup>221</sup> Seo se dirile eng? Se robile kgoro ya lenaba. Haleluya! Fše! Se se ba se sebotse, go nna. Lebelelang. Gobaneng? O robile kgoro ya lenaba thwi fale, gore motho yoo a tswetšwego ka lefaseng le ka kganyogo ya thobalano, yoo a sa kgonago go ya Legodimong gobane thobalano ke se se e thomilego kua mathomong, ka serapeng sa Edene, ka lebaka leo ba ikhupeditšego bonabeng. Ge A dirile seo, O robile selo sela ka bobedi thwi fale, gomme o hutše kgoro ya lenaba. Ka eng? Go tšeeng Peu ya Bogoši ya Abraham, mo lekgeng la mathomo, gomme a e pšhatlaganya botlaseng. Peu ya Bogoši ya tumelo le tshepišo, e sego kimo ya Maria, eupša ya Modimo, e robile dikgoro. Ke gore, e dumelela motho go feta go kgabola kgoro. Letago go Modimo!

<sup>222</sup> Na O dirile eng? Morago o tšere dikgoro tšohle tša lenaba. O tšere kgoro ya bolwetši. Bolwetši ga bo kgone go phela ka Bogeneng bja Gagwe. Aowa, mohlomphegi. Ešita e ka ba eng gape ya phela ka Bogeneng bja Gagwe. Molokoloko wa poloko o ka se kgone go ema ka Bogeneng bja Gagwe. Aowa. Na O dirile eng?

<sup>223</sup> Joshua o hwile. Moshe o hwile. Bohle ka moka ga bona ba hwile, eupša e sego Peu ya Bogoši ye. Lehu ga se le kgone go ema moo Bophelo bo bego bo le.

<sup>224</sup> Mosadi yola wa Naine, a etšwa le mošemane wa gagwe. O eme gomme o rile, “Tsoga, morwa.”

<sup>225</sup> Mosetsana yola o be a hwile, morwedi wa Jairo, O boletše lentšu morago mošola ka go lefase le sa tsebjego ntle fale, gomme o rile, “Morwedi, tsoga.”

<sup>226</sup> Latsaro, a hwile matšatši a mane gomme mmele wa gagwe o bola, gomme soulo ya gagwe e bile kgole le ona, lebaka la matšatši a mane. A re, “Latsaro, etla pele.” Letago!

<sup>227</sup> Šole Yena. O dirile eng? O robile mahuto a se sengwe le se sengwe. Haleluya!

<sup>228</sup> Ge A be a swanetše go hwa nako yela, O be a ka se sware bophelo bjola. A ka be a sa nke a hwa, eupša O be a swanetše go neela bophelo bjola. Gomme ge A efa bophelo bjola, O hwile lehu. Gomme soulo ya Gagwe ye bohlokwa, boka Beibele e boletše, e fologetše ka heleng, go tsea lefelo la ka le lefelo la gago. Peu ya Bogoši ya Abraham! Eng? O be a le Peu ya Bogoši. Oo, letago!

<sup>229</sup> Bjale re Peu ya Bogoši, eng, yeo e dulago le Lentšu, feela tlwa boka A bile. “Gobane mathomong go be go le Lentšu, gomme Lentšu le be le le le Modimo; gomme Lentšu, le dirilwe nama, gomme le dutše magareng ga rena.” A ga le bone mo Peu ya Bogoši e letšego? Peu ya Bogoši ke yela yeo e dulago le Lentšu.

<sup>230</sup> Lena bafokodi bao le ratago go itšimeletša le diabolo, ka difešene tsa diabolo, ka difešene tsa lefase. (Ga ke bolele le lena fa.) Ntle fale, lena bareri bao le tsebago gore le rera matšatši a mehlolo a fetile, le rera ga go selo se sebjalo bjalo ka kolobetšo ya Moya wo Mokgethwa, dihlong go lena, gomme le ipitša lenabeng Peu ya Abraham.

<sup>231</sup> Peu ya Bogoši e dula le Lentšu. Peu ya Bogoši, e sa tswalwago ke monna, go se selo go dira le monna goba mosadi. Mosadi ke kereke; go sego selo go dira le kereke. Maria ga se a be le selo go dira le Peu. Ešita le kereke, e bitšwago mokgatlo, ga e ne e ka ba eng go dira le Peu. E tswetšwe ka eng? E sego ka mokgatlo, e sego Methodist, Baptist, Presbyterian, Katoliki, Lutheran, go ya pele.

<sup>232</sup> Eupša, e tswetšwe ka Peu ya Bogoši ya tshepišo ya Modimo, yeo ke yona yeo e tšeago kgoro ya lenaba. E šetše e tšerwe bakeng sa gago. “Gobane ge le dula ka go Nna, gomme Lentšu la Ka ka go lena, kgopelang se le ratago, le tla direlwa.” Ke lena bao. Ke tshepišo. E šetše e dirilwe.

<sup>233</sup> Soulo ya Gagwe ye bohlokwa e fologetše heleng, moo bego ke swanetše go ya. Eupša mo letšatšing lela la boraro... Simisone a tsea kgoro ya toropokgolo mokokotlong wa gagwe, ga se a be le selo go dira le yona. O tsero dikgoro tsa hele, dikgoro tsa lebitla, le se sengwe le se sengwe gape. Ga se A e rwalela godimo ga thaba, eupša O e sentše. Haleluya! O hutše kgoro ya lenaba.

<sup>234</sup> Mafaufau a a bego a tletše ka maatla a diabolo, godimo, Barongwa bale goba ga se gona se kgonnego go tla fase. Go be go ka se be le poelanyo, gobane madi a dipudi a ka se tloše sebe. Eupša Madi a Gagwe mong a tlošitše sebe.

<sup>235</sup> Gomme O rotogetše Godimo, a bofolla mathopša. O fa dimpho go batho. Bjale, yo mongwe le yo mongwe wa Peu ya Abraham yoo a ratago go lefela tefo, go tla tlase le go sokologeng dibeng tsa bona, ba kolobetšwa Leineng la Jesu Kriste bakeng sa tebalelo ya sebe ya bona, ba tlatšwegape ka Moya wo Mokgethwa, le go emela moleko.

<sup>236</sup> Gomme ge ba ntšha lefase ka go lena, dilo tše di ilego, se sengwe le se sengwe seo e lego phošo, se sengwe le se sengwe seo

se bonalago phošo boka basadi ka moriri wa bona, banna ka tše ba di dirago, le kereke ka mekgatlo ya bona, le—le modiša yoo a tla sekamelago ka go matikone a gagwe, le—le mehuta yela yohle ya dilo. Sehlopha tsoko sa lefase sa sengwe se sengwe se tsena ka fale gomme sa hlola modiša wa go šokiša, sa mo ragela ka ntle ga kereke.

<sup>237</sup> Eya pele, modiša. Modimo a go šegofatše. Dula thwi le Lentšu. Se tšee selo.

<sup>238</sup> O rotogetše Godimo. Na O dirile eng? O phutše lešoba, kgoro, lela, thapelo ya Peu ya Abraham ye. Gobaneng? Gobaneng? Ge eba re le Mmele wa Kriste, ge eba re hwile, re itemoga renabeng go hweng le go bolokweng ka go Kriste, gomme re tsošitšwe le Yena ka tsogong. Ke Yena Hlogo ya Mmele. Moo Hlogo e lego, Mmele o ne Yona. Gomme gona, mosong wo, moo yo mongwe le yo mongwe yoo a dirilego seo, “o dutše le Yena mafelong a legodimong,” le Peu ya Bogoši. Tumišang Modimo.

<sup>239</sup> Ga go dikgoro. O ka se rapele bokgole *bjo*, gomme wa re, “Oo, oo, šeleo lentšu.” Huh-uh. Ba go tswalelela ntle, thwi fale.

<sup>240</sup> Eupsa ge pelo ya rena e sa re sole; ge eba re tseba gore re sepela ka melaong ya Modimo; re bona maphelo a rena a hlwekišitšwe; re a se bona; Lentšu le lengwe le le lengwe leo Modimo a le laetšego, re a Le boloka; gona dikgoro tša lenaba le lengwe le le lengwe di hutšwe. “Gona kgopelang se le se ratago, le tla direlwā.” “O tla hula kgoro ya lenaba la gagwe.” Oo, ngwanešu, se kereke e tla bago!

<sup>241</sup> Ge ke etla morago Phoenix gape, ge Morena a ntumelela, ke a holofela, ge ke sepelela ka tabarenekeleng ye, gore dipanka di tla lokologana, gomme panka ye nngwe le ye nngwe ka go mosepelō wa Ebangedi ya go tlala ka toropongkgolo ye e tla lokologana ka bakgethwa ba Modimo yo a phelago: bogega boka Mokriste; bolela boka Mokriste; itshwareng boka Bakriste; ka Moya wa Modimo o sepela magareng ga bona, moo, ge o tee a ka dira sebe, Moya wo Mokgethwa o e biletša ntle nako yeo.

<sup>242</sup> O tla le dira. Le e bone ka mothalong wa thapelo, bjalo ka godimo fa, mo aletareng. Moo, o re, “O ya morago fale le go lokiša seo le monnamogatša wa gago. Eya, botša mosadimogatša wa gago gore o be o le ntle, bošego pele ga bja go feta, le mosadi yola, le dutše lefelong *kaekae*.” Ge eba e tla e dira fa, ka go sepeleng ka Lentšung, go theetseng Segalontšu sela se sennyane sa go homola, Se tla e dira ka go wena. O Peu ya Abraham. Gona, ga go sebe.

<sup>243</sup> Moreri, a o ka se rate go bona kereke ya gago? Sepela ka kerekeng ye, gomme o lebelele tlase go kgabola *fa*, bona bobedi banna le basadi, ba bomodimo, ba kgethegilego, ba dutše fale feela ba tladitšwe ka maatla a Modimo. Sebe ga se kgone go sepelela ka gare. Monna o sepelela ka gare gomme a dula fase, Moya o a emeleta gomme o re, “John Jones, o tšwa *bokaekayana*,

toropokgolo, lefelo *kaekae*. O fa go hwetša phodišo bakeng sa mmele wa gagwe. Le a bona? O dirile selo se *rilego* mo lefelong le *rilego*. O dirile *se*, gomme o tsea . . . o, tsea *se* morago, lokiša *se*, morago Modimo o tla mo fodiša kankere yeo. O RIALO MORENA.” Nna, nna!

<sup>244</sup> Mphe kereke, mphe banna ba lesome, ba, ka kgonthé mabjebohlokwa a Modimo, Peu ya Bogoši, bea bona banna mmogo, gomme šetša se se tla diregago. Mphe ntlo ye nnyane ye e tletšego ka batho ka mokgwa woo, gomme ke tla le bontšha Seetša seo lefase le tla kitimelago go sona. Yeo ke nneta. Ke se Modimo a nyakago re eba. “O toropokgolo e dutšego thabeng.” O Peu ya Bogoši ya Abraham. “E tla hula kgoro ya lenaba la yona.”

<sup>245</sup> Bolwetši, go ne se se hlolago bolwetši. Go ne se se hlolago dilo tše. Gomme Modimo, Moya wo Mokgethwa, o fa go utolla selo seo le go le botša gobaneng le sa se hwetše. Bothata ke eng ka rena? Ga ra swanelo go makala, “A O tla dira.” O šetše o e dira. O dira eng?

<sup>246</sup> Šetšang mopropfeta yola. Ga se a theetša phefo ye e kitimago, “Letago go Modimo! Haleluya!”

<sup>247</sup> Yeo e lokile. Bjale, elelwang, ga ke sole seo. Ke a holofela yo mongwe le yo mongwe o kwešiša seo. Yo mongwe o rile, “Ngwanešu Branham ga a dumele go boleleng, ‘Letago go Modimo! Haleluya!’” Gabotse, ntebeleleng godimo fa bjale. Ke dumela go goeleleng, go boleleng ka maleme, go bineng ka Moya.

<sup>248</sup> Eupša, ngwanešu, ge o šitwa go kwa Segalontšu sela se sennyane sa go homola sa Lentšu, seo ke selo seo se go fihlelago. Seo ke selo.

<sup>249</sup> Eliya o tsebile tsošeletšo yohle ye e be e kgatlampana ka ntle. Eupša o be . . . Ga se nke ya mo gogela ka ntle ga yona. Eupša ge a kwele Segalontšu sela se sennyane sa go homola sa Modimo, gona o gogegile. Gomme o širile sefahlego sa gagwe, a tšwela ntle. Gobaneng? Eliya o be a le Peu ya Abraham, a latela Lentšu.

<sup>250</sup> “Ge le dula ka go Nna gomme Mantšu a Ka ka go lena, gona kgopelang se le se ratago, le tla direlwa.”

A re inamišeng dihlogo tša rena feela nakwana bakeng sa thapelo.

<sup>251</sup> Oo, kereke, bjang, ge ke fetša go rera ka mokgwa wo, ke ikwela bjang! Moya o rothela kgole le nna, gomme ke lebelela morago. Ke bona batho bao ka nneta ba tla sobeletšago tlase ka potleng ya bona le go ntšha dijo go tloga go bana ba bona, go di fa nna. Ke bona mosadi yo monnyane fa, mohlomongwe ka moriri wo mokopana. Ba tla dira eng? Ba tla dira e ka ba eng ka lefaseng bakeng sa ka, seo ba ka kgonago. Monna a dula le mosadimogaša ka mokgwa woo, gomme nna ke no mo rathaganya ka ditoki, ka Lentšu lela, go mo gobatša, letsvalo la gagwe le rothetše fase. Gomme efela monna yola o be a tla ya ntle

fa gomme a kgoba, gomme a nthomela karolo. Thwi. Seo se ntira ke ikwele, le a bona, ke tla morago go nama gona, le a bona, eng, ke boletše eng? Ga ke re go gobatša. Ga se seo.

<sup>252</sup> Eupša, oo, ngwanešu, le morategi kgaetšedi wa ka yo monnyane le ngwanešu, ge leo e le Lentšu la Modimo, gomme e le Moya wa Gagwe o dirago Lentšu leo go tla bophelong, go lena, go tla ba eng mo Letšatšing la Kahlolo? Ke leka go le dira komana bakeng sa letšatši leo. Hle, hle nno tšeang Lentšu la Gagwe. Ge eba nka rera e ka ba eng yeo e sego Lentšu, tshepišo ya Modimo, gona le ne tokelo go tla go nna. Eupša leo ke Lentšu. Gomme ke ka gobane ke a le rata.

<sup>253</sup> Ga se ka gobane ga—ga ke le nyake ka sekepeng. Ke ka gobane sekepe se ka se le rwalele go kgabola. O ya go hlekgemana, le lengwe la matšatši a.

<sup>254</sup> O swanetše go tla Kahlolong. “Molato go tše nnyane ke molato go ka moka.” Gomme ge o tseba e ka ba eng e lokile go e dira, ke Lentšu la Modimo le tshepišo go e dira, gona ga o e dire, gona go reng ka yona? O tla kgopelwa go fa lebaka, ke eng nako yeo? Ge Molaetša wo mosong wo o lebana le wena mošola mo sekerining, mo Letšatšing la Kahlolo, go reng ka yona? Naganang ka yona, bagwera. Le ka no hwa pele letšatši le dikela. Bohle ba rena re ka dira. Gomme selo se tee kgonthé, o ya go hwa.

<sup>255</sup> Ke eme tšatši le lengwe ke šeditše mme wa ka, nna ke mo swere mo letsogong la ka. Ke swere papa wa ka gannyane pele ga fao, gomme ke mo šeditše a sepela.

<sup>256</sup> Ke ba bone ba etla tlase mo bofelong bja tsela, ba ba nagannego ka kgonthé ba be ba lokile. Ba re, “Oo, Ngwanešu Branham, oo, ge feela nka kgona go phela boteletšana gannyane!” Go thari kudu nako yeo. Gomme elelwang, lehu ga le fetole soulo. Le fetola fela lefelo la bodulo. Gomme ge o bona seo, se sengwe ka gare ga gago. Eba go hlaologanya bjale. Ge o bona seo, se sengwe ka gare ga gago se go dira go itshwara ka tsela yeo le go ikwela ka tsela yeo, boka ga se wa swanela go ikwela, sokologa mosong wo, a o tla, mogwera? Etla. Ba... Ga wa swanela go ba ka mokgwa woo. O motho wa go šokiša. Phela bophelo bja therešo bja Peu ya Bogoši. Modimo o a go nyaka lehono.

<sup>257</sup> A o tla phagamiša seatla sa gago, ge hlogo ya gago e sa inamišitšwe, le pelo. E re, “Ngwanešu Branham, ke phagamišetša seatla sa ka go Modimo. Ka potego, go tšwa pelong ya ka, ke seo ke nyakago go ba. Ka kgonthé ke seo ke nyakago go ba. Ke—ke hlakahlakane fa le se sengwe le se sengwe gape, eupša ka kgonthé ga—ga ke nyake go ba ka mokgwa woo. Ke nyaka go ba se o bego o bolela ka sona mosong wo. Nthapediše, Ngwanešu Branham. Ke phagamišetša diatla tša ka go Modimo, e sego go wena, Ngwanešu Branham, eupša go Modimo. Gomme ka pelong ya ka, O tseba pelo ya ka. Ke duma go ba mohuta

wa Mokriste o bolelago ka yena, Peu ya bogoši ya Abraham, ka Jesu Kriste.” Phagamiša seatla sa gago bjale gomme o re, “Ke tla . . . Nthapediše, Ngwanešu Branham.” Modimo a go šegofatše. Modimo a go šegofatše. Ka kgonthe O tla go direla.

<sup>258</sup> Tatawešo wa Legodimong, ka Seetšeng sa Lentšu la Gago, ka maatleng a tsogo ya Gago! Gomme ke a lemoga, Morena, batho bale ba go šokiša makga a mantši ba raragantšwa ntle fa, ka go fapania. Batho go boima go tseba ba dire eng; o tee a etla, a bolela selo se tee; gomme yo mongwe a etla, a bolela se sengwe.

<sup>259</sup> Gomme fa ka Phoenix, toropokgolo ye kgolo ye ya—ya, gabotse, baeti, moo se sengwe le se sengwe go tswa go kgabola setšhaba ka go yona, bobedi tlhagong le semoyeng. Go emeng mo thabeng, letšatši le lengwe, le go naganeng ke makga a mantši gakaakang Leina la Modimo le šomišwa ka lefeela ka letšatši tlase fa, ke mabootswa a mantši gakaakang ao a dirwago, ke sebe le leraga le lentši gakaakang ka mekgotheng fa, le dipara le dintšhi tša para, le se sengwe le se sengwe, bontši bja bona ba ipolela go beng badumedi, Mokriste!

<sup>260</sup> Basadi ba theoga mokgotha, ka sekerete ka seatleng sa bona. Ba sepela ka diaparo tša boitswarahlephi di aperwe, mola O rile go a nkga pele ga Gago, “Ke makgaga,” boka bja kgale, bja ditšhila, bohlapologelo bja go nkga felotsoko. O Modimo, mosadi yo a tleleimago go ba le Moya wo Mokgethwa o kgona bjang go dira selo se sebjalo, gomme a tseba gore dinkong tša Mophološi, seo se nkga ka mokgwa woo, se nkga? Go kgonega bjang A be le selo boka seo ka Mmušong wa Gagwe? Tate, ge feela nkabe ba tsebe, ba milione wa dimaele go tloga go Yeo.

<sup>261</sup> Ke a rapela, Modimo, gaogela. Ga a gona a nyakago go ya dikgaong tša balahlegi. Ga a gona a nyakago go ya tlase fale, Tate. A go be kgole le e ka ba ofe wa rena go yeng. Efela tlase ka fale go ne pelo ye e lokilego ka go motho yola, monna yola, mosadi yola, monna goba mosadi yoo a rategago le bose le botho, gomme o sa tšo forwa ke diabolo. Diabolo o dirile seo.

<sup>262</sup> Sathane, ke kgahlanong le wena, gobane o lenaba la Morena wa ka. O lenaba la Lentšu la Gagwe. Gomme ke a go laela, ka Jesu Kriste, Morwa wa Modimo, bjalo ka motho yo a hwago, go tsebeng gore ga ke ne maatla ka go nnamong. Ga ke ne maatla go go thibela. Ga ke ne maatla go dira e ka ba ofe wa basadi ba go hlweka, e ka ba ofe wa banna ba, yoo a theeditšego theipi ye, goba—goba e ka ba kae. Ga ke ne tsela ya go ba hlwekiša. Ga ke ne maatla. Eupša ke ne maatlataolo a Lentšu la Modimo, bjalo ka mohlanka, go Le rera, le go tlamega go maatlataolo ale. Esita lephodisa le ntla fa ga le ne maatla go emiša koloi, eupša o ne maatlataolo go e dira.

<sup>263</sup> Gomme, Sathane, gabotse o ka no ya go tswintšha dipriki tša gago, gobane ke a go laela, ka Jesu Kriste, gore o bofolle batho ba, go kgabola lefase, e ka ba kae Molaetša wo o ka go ya. Ba

bofolle. Ke a ba tteleima, gore ba rekilwe. Ga se ba bona beng. Ba rekilwe ka tefo, Peu ya Bogoši ya Abraham, Morena Jesu.

<sup>264</sup> Wena wa ditšhila, wa ditlakala, moikaketši wa go nkga, mofori wa batho, o ba hlahlela ka bofofu ka mekoting ya hele, ba bofolle. Ke a go laela, ka Modimo yo a phelago, ka Sehlabelo sa Morwa wa Gagwe, Jesu, gore o ba bofolle, disoulo tša bona di tlatšwe ka tšhegofatšo ya Gagwe le Bogona bja Gagwe, gore ba ke ba hule kgoro ya lenaba. [Ga go selo go theipi—Mor.] O ne bona ba letile *se, seo*, goba *se sengwe*, goba kgwatho e rilego e kgethwa, goba se sengwe gape, eupša ke re o ya go lahlegelwa ke go swara ga gago.

<sup>265</sup> Bolwetši bo ka kgona go ema bjang ka go tlotšo boka ye? Ke feela ge ba gana go lebelela mošola go tshepišo boka tate Abraham a dirile, ge a kgonne go Mmona ka seswantšho makgolo a mengwaga kgole, a etla.

<sup>266</sup> Ba bofolle. Leineng la Jesu Kriste, lesa batho ba ikele.

<sup>267</sup> Anke maatla a Modimo, kwešišo ya Lentšu, boka ba hlapištšwe ka Lona mosong wo, anke kwešišo ya go bolokeng Lentšu la Modimo le ditshepišo tša Gagwe go reresá, moswaro woo o ka se robjego ke Sathane. Anke mongwe le mongwe a sware tshepišo yela, a re, “Ye ke Yona. Ke a E swara. Modimo o dirile tshepišo. Ke nna peu ya Abraham. Nka kgona go belaela tshepišo ya Gagwe bjang?” Gomme wa sepelela pele, ka Jesu Kriste, Morena wa rena. Amene.

Ke a Mo rata . . .

<sup>268</sup> Go bile go sega mosong wo, bagwera. A re tumišeng bjale gabose.

Gobane O nthatile pele  
Gomme a lefela phološo ya ka  
Godimo ga mohlare wa Khalibari.

<sup>269</sup> A go ka kgonega, e sego go rogaka, ka kgonthe aowa . . . Ye ke—ke borapedi. A re phagamišeng diatla tša rena go Yena re mo ratago. Gomme re re:

Ke a Mo rata, ke a Mo rata  
Gobane O nthatile pele  
Gomme a lefela phološo ya ka  
Godimo ga mohlare wa Khalibari.

<sup>270</sup> Bjale, go mosadi goba mosetsana yo mongwe le yo mongwe ka fa, se ke seatla sa ka. Modimo o a go rata. Go monna goba mošemane yo mongwe le yo mongwe ka fa, Modimo o a go rata. Ke a le rata. Bjale, nka se kgone go obeletša le go fihlelela seatla sa yo mongwe le yo mongwe wa lena, eupša Modimo o hlagiša go lena se ke se rago. Ge re sa opela pina yela gape, nno retologa gomme o šikinye ditala le yo mongwe. “Se batho bohole ba tla tseba gore le barutiwa ba Ka, ge le ne lerato, o tee go yo mongwe.” Ke . . .

Lefela phološo ya ka  
 Godimo ga mohlare wa Khalibari.

Ke a Mo rata, ke a Mo rata  
 Gobane O nthatile pele  
 Gomme a lefela phološo ya ka  
 Godimo ga mohlare wa Khalibari.

<sup>271</sup> A ga le Mo rate? [Phuthego e re, “Amene.”—Mor.] Maikutlo ale a mabose a Moya wo Mokgethwa! Lentšu ke tirotšweletšo ya go hlwekiša, le no go munyolla, le go dira sebopša se seswa, le tloša tšohle. Lentšu le bogale go feta tšoša ya magalemabedi, le bolotša, le kgaola dilo tšohle tša lefase. Le a bona? Gona re ikwela go hlweka, re munyolotšwe, go amogela le go Mo dumela. Ke ka fao re kgonago go opela:

Ke a Mo rata, ke a Mo rata  
 Gobane O nthatile pele  
 Gomme a lefela phološo ya ka  
 Godimo ga Khalibari.

<sup>272</sup> Seo se botse? [Phuthego e re, “Amene.”—Mor.] Ke no e rata ka pelo ya ka yohle. Le a bona? A re e lekeng gape, yo mongwe le yo mongwe bjale, ka kgonthe, ka godimo ga segalontšu sa gago bjale.

Ke a Mo rata, ke a Mo rata  
 Gobane O nthatile pele  
 Gomme a lefela phološo ya ka  
 Godimo ga Khalibari.



*GOMME PEU YA GAGO E TLA HULA  
KGORO YA LENABA LA YONA* NST62-0121M  
(And Thy Seed Shall Possess The Gate Of His Enemy)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Janaware 21, 1962, ka Faith Tabernacle ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)